



f-d

19



Ex Bibliotheca
majori Coll. Rom.
Societ. Jesu

II. 2. 6

51-E-14


51


51

51

7-1-0-19

51.3.23.





Coll. Rom. Socio. Ioh. *Instructio*
Quod ea causis non multis in multis
peruenit a Papatu ad Lutheranismum
deficiant. Antioch
Martino Eisinger

Bericht

Auß was Ursachen/
so vil Leut / in vilen Landen / vom
Pabstumb zum Luthertumb fallen.

Vnd

Wie wir zu disen schweren leiffen / den
versuchungen des bösen feinds / in glaubens
sachen / widerstand thun sollen.

Zu Ingolstatt gepredigt / vnd yegunder widerumb
Corrigiert / vnd an etlichen orten gebessert /

Durch

Martinum Wisengrein / der hailigen
Schrift Licentiatum, vnd **Probst**
zu Mosspurg.



Geedruckt zu Ingolstatt / durch **Alexander**
vnd **Samuel** Weissenhorn /

ANNO M. D. LXV.

I. Cor. 9.

Væ mihi, si non Euan-
gelizauero.

Worred.

Dem Hochwürdig-
sten Fürsten vnd Herrn/Herrn Marx
Sittichen/der Hailigen Römischen Kirchen/
TT.SS.XII.APOSTOLORVM Diacon,
Cardinaln vnd Bischoffen zu Costenzz/
Herrn der Reichenaw ic. seinem
gnädigsten Herrn.

Gnad vnd Frid in Christo Jesu.



Mochwürdigster Fürst/
Gnädigster Herr/ Es schreibe das
auserwölte vass Gottes/der 3.Apostel 2.Cor.12.
Paulus/ das sich die falsche Apostel
vnd trügliche Arbayter verstellen zu
Christus Apostel/ vnd das sey auch
kein wunder nit/dann er selb der Teüffel verstelle sich zu ei-
nem Engel des liechts/Ohn allen zweyffel allein diser ver-
sachen halber/darmit er die leüt desto es vnd besser betrü-
gen künde.Dann sonst wann er die horn zaiget/ vnd ließe
sich sehen/wie er an ihm selber ist/wurde also bald yeder-
man vor ihm fliehen/vnd ihm nyemande anhangen/ Also
auch seine Diener die falschen Propheten/wann sie sich of-
fenlich/ was sie heimlich im schilt füren/hören ließen/
Wurde ihnen ohn zweyffel gleichsahls nyemande anhan-
gen/ sonder sich ein yederveder/ dem sein seligkeit angele-
gen/bestes fleiß vor ihnen hürten. Derhalben wissen sie die
2 ij sachen

Verred.

sachen wol besser anzugreifen/ machen sich/ wie sie es von
ihrem Vatter dem Teuffel gelehret/ den rechten Prophe-
ten gleichförmig/ vñnd stellen sich nit anderst in bessen als
ob sie rechtgeschaffne diener Gottes wären/ vñnd mancher
von wege des schönen/ herlichen scheins/ den sie von auß-
sen füren/ ein ayd schwüre/ es wären recht Christliche vñnd
Euangelische Predicanten/ so sie doch wann man ihnen
recht in die wollen greiffe/ falsche Propheten vñnd reissende
Wölff in der haut sein.

Num. 2.

Die falsche
Prophete
machen
sich den
rechten
Christli-
chen Pre-
digern
gleichförmig.

Noch in dem altem Testament haben wir solches etli-
che Exempel. Balaam war vor zeyten ein warsager vñnd
Teuffels Prophet/ bey den Heyden/ hette seine reuelationes
vñnd offenbarung von dem bösen geist/ bey wölichem er es
auch süchet/ Noch da er von dem Moabitischen König
Balach beruffen war/ das Israelitisch volck züverfluchen/
Stellet er sich nit anderst in die säch/ als ob er ein rechter
Prophet Gottes wäre: der mit dem bösen geist nichts zü-
thün hette/ ließ sich hören er kündte nichts reden dann was
ihn Gott hiesse/ Nam sich an er wolt Gottes willen erfor-
schen/ Ließ im drey ganzer tag nacheinander Altar auff-
bawen/ vñnd auch sonderliche Opffer anstellen/ eh dann er
anfieng züreden vñnd züpredigen. Wölcher hette aber dißem
für ein falschen Propheten angesehen? Wer hett gemaint
oder glauben künden/ das vñnder dißem Schafelaid/ ein sol-
cher faulter/ bazeter Wölff verborgen ligen solt? Wie in
dem hernach der Engel Gottes züerkennen geben/ vñnd im
die Laruen hüpsch lustig abgezogen/ als wir auch daselbs
lesen.

Exodi 7.

Also war es auch da Moses vñ Aaron anfiengen vñnder
den Egyptiern zü predigen vñnd wunderzaichen züthün/
warendt also bald Zauberer verhanden/ die ihnen wider-
stand thetten/ vñnd was ihene thetten/ das thetten diß auch.
Moses vñ Aaron machende wasser zü blüt/ die Zau-
berer

Vorred.

berer theten dergleichen auch: Moses warff sein stab von sich/ vnd er ward zu einer Schlangen/ die Zauberer theten dergleichen auch: Aaron strecket sein hand auß/ auß dem befelch Gottes vnnnd gehaisß Moses über das wasser oder fluß Egypti/ da kamen Frösch herauß/ die das gantz Egypten land bedeckten: Die Zauberer theten dergleichen auch. Das also dise Teuffels Künstler/ den rechten Propheten/ sich auffen gleichförmig machten/ Dermassen/ das nit leichtlich zu vnderscheiden/ oder zu vthailen war/ wölcher vnder ihnen warer oder falscher Prophet war.

Gerad ein solches ding war es auch/ zur zeit Elias, Esaie, Hieremie, Ezechielis, vnnnd anderer Propheten/ die hetten im brauch/ das sie gmaintlich ihr Predig anfiengen mit disen/ oder dergleichen Worten/ *Hec dicit Dominus*, Also redt der Herr/ oder / das sagt der Herr/ oder aber also/ *Verbum Domini*, das wort Gottes/ oder/ *Os Domini locutum est*, der mund des Herrn hat geredt/ Sihe/ so führen die falschen Propheten zu/ siengen ihelugen Predig auch also an/ Redt eben dergleichen/ Sagten der Herr hab es ihnen auch befolhen/ so er es ihnen doch nit immermehr befolhen hat/ wie wir lesen von dem falschen Propheten Anania genant. Daz also schwärlich zu erkennen war/ wölches ein rechter oder falscher Prophet wäre/ von wegen des Schafklais/ wölches einer so wol ansetzt als der ander.

Vnd solches hat sich nit allein mit den Propheten im alten Testament zutragen/ sonder/ in vnser hailig Christenhait ist es auch also ergangen/ vnd noch/ was den hailigen Aposteln vnnnd Propheten ein ansehens vnnnd auctoritet machte vnnnd gab/ das beflissen sich die falschen Propheten auch. Petrus/ Paulus/ vnnnd andere von Christo gesandt/ 1. Pet. 1.
nennten sich in ihren schriften Legaten vnnnd Apostel Jesu Rom. 1.
Christi/ vnd das gab ihnen ein ansehens/ Die Ketzer vnnnd verführer theten sich inen nach/ vnd vnder disem falschen titul

Worred.

I. COR. II.

vnd Schafslaid / betrogen sie vil menschen / wie inn den Episteln Pauli zu den Corinthern vnd Galatern zusehen.

In summa / was die waren Propheten / die rechte lehrer vñ Prediger / warhafftiglich gethon / Das haben inen. die falsche Propheten vñ verfürer des volcks / yederzeit nit anders / als wie die Affen nachgethon / vnd sich inen dermassen gleich gemacht / das sie schwerlich vor einander zerkennen gewesen / Wie dann solches vnzalbarliche Exempel allerzeyt Historien gnügsam berweysen.

Die ware vnd rechte Propheten Gottes / haben gemeintlich zu beweyfung irer lehr / das wort Gottes gebrauchet / Die falschen Propheten vnd verfürer des volcks / haben eben so wol / vnd noch mit grösserem geschrey / zu bestetigung ihrer erdichten / giffteigen / Teuffelischen Ketzerereyen / das wort Gottes eh bey dem Jar herum gezogen / vnd jr leß / darmit zübeweysen / sich vnderstanden.

Iohan. 14.

Der verfluchte Ergkezer Arius / vnderstünde sich die einigkeit vnd warhait des Christlichen glaubens züzerstören / in dem er lehret / der Son / vnser Hayland Christus Jesus / wäre mit Gott dem Vatter nit eines gleichen wesens vnd substanz / vnd zeücht die wort Christi selber auß dem Johanne an / Der Vatter ist grösser als ich / vnd noch wol etlich vnd vierzig andere zeugnussen der schrifft / zü bestetigung diser seiner Antichristischen lehr / die hernach auff dem hochhailigen Nicenischen Concilio verworffen worden.

Iohan. 10.

Sabellius der Ketzer lehret / der Vatter vnd der Son wären nur ein person / vnd gebrauchet der schrifft / Ich vnd der Vatter seind eins.

Heb. 6.

Die reissende Wölff Montanus vnd Novatus / lehren falschlich / das die sündler nit künden durch die büß widerumß zügnaden kommen / Da müsten die wort Pauli herhalten / Es ist nit möglich die einmal erleuchte / vnd gefallen / das sie durch die Büß mögen erneuert werden.

Die Manicheer haben dz ganz alte Testament verworff

Worred.

sen/vñ hierzü die wort Christi des Herrn gebrauchet/Alle die
so vor mir/sein dieb vnd Möder gewesen. Entgegen wol Iohan. 10.
ten die falsche Propheten/ Cherintus vñd Hebion/man
solte die Beschneydung/ vñd andere Mosaische satzung
halten/ vñd gebrauchen nit weniger/ als die vorigen/ zeüg
knus der schrifft/ vñd die wort Christi des Herrn selber/ In
sonderhait die er dort im Mattheo gesprochen/ Ich bin nit Matth. 5.
kommen das Gsez auffzülösen/ sonder zü erfüllen.

In summa/ alle vñd yede falsche lehrer/ sie haissen wie sie
wollen/ haben allwegē den brauch gehabt/ dz sie sich vnder
standen/ ire verfürische lehren/ mit dem ansehen der schrifft
zü beschönigen/ damit sie/ diereil sie das wort Gottes ge
brauchen/ von dem gemeynen man für die/ so sie in der war
hait sein/ nemlich falsche Prophetē vñ Kerzer erkent werden.

Disen brauch/ wie es von jren Vorfordern den alten Ke
gern/ vñd dieselbige von jrem lehramster dem Teüfel selber
gelehmet/ gebrauchen sie noch auff disen heütigen tag/ vñd
was einer nur für ein wunderbarliche seltsame lehr herfür
bringe/ muß allwegen die schrifft herhalten/ damit sie sich
vnderstehn solche lehr züberweyßen.

Zü lang wurde es sein/ wann ich allhie die vil vñ mancher
lay Seccen vñ spaltungen/ wölche bey mans gedencen in
Teütschenland vñd dem herlichen Titul des Euangelij
sein auffkommen/ erzölen wolte/ Das kan ich aber dennoch
nit verschweigen/ das meines erachtens kein grösserer be
trug nye erdicht worden/ als eben diser/ das man alle vñ ye
de newe/ vñ bisshier vnerhörte meinungen also freuenlich
für das wort Gottes ausgeben/ vñd dem gemeynen mann
fürtragen darff. Dañ es sich gar leichtlich zütragen kan/ dz
einer wol den geschubne büchstabe Gölicher 3. schrifft hat/
aber den waren verstand desselbigen nit/ wie dañ der 3. lehr
rer Hier. mehr als vor 1000. jarē solchs bezeüget/ da er spricht Hier. in epist.
Wir sollē nit meinen/ dz das Euangelij sey in den Worten d. ad Galat.
schrifft/

Worred.

schiffe/sonder in dem sin vñ verstand/auch nit in dē elüsserlichen schein/sonder in dē inñerlichen marck/auch nit in den bletternder red/sonder in der wurzl des rechtē verstandes.

Dieweil danñ Hochwürdigster Fürst/gnädigster Herr/der laydige Sathan/zū diser verzigen vñ arbeitseligen zeit/der alten Catholischen vñ Römischen Kirchen/nit grössern schaden zūfügt/als eben mit disem gefärbtē schein des wort Gottes/den alle versfürische Predicanten zū beschönigung irer Ketzererey fälschlich gebrauchen/Hat es etliche gütherzige/Catholische Christen für rathsam angesehen/das ich dise Predig/in wölder ich solcher gellen arglistigkeit entdecke/vnd entgegen/wa der rechte verstand des wort Gottes zūsuchen/aussfürlich erkläre/widerumb übersehen/vñ in Truck solte lassen aufgehn/hab ich derhalbē solches nit wissen noch künden abschlagen. Danñ ich auch für mich selber hiezū genaigt / vnd mit meinen Predigen/schreiben/arbeiteten/ja anderst nichts als außreitung der Ketzererey/vñ erhaltung der waren/alten/Catholischē religion suche.

Dedicire aber die selbigen E. S. G. diser vsachen halber/dieweil mir nit unbewist/das sie nit allein von rechte eyserigen Voreltern (S. G.) inn der Catholischen Religion herkommen/sonder auch für ihr person/bisshier allwegen dieselbige mit einbrünstigem eyfer verfolgten/Derhalbē billich von dem allmächtigen Gott inn disen hohen stand/darzu ich jr sein weytere Götlichen seggen vnd benedeyung erwünschen thū/erhebt worden. Gelange auch an E. S. G. mein vnderthenigst bitt / sie wölle dise mein geringe arbeit inn besten auffnehmen/vnd mich jr gnädigst beuolhen lassen sein. Datum Ingolstatt den 25. Nouemb. Anno 1565.

E. S. G.

V. G. Caplan.

Martinus Eifengrein/der 3. Schafft
Licentiat/vnd Propst zū Mospurg.

Euangelium auff In= uocauit den ersten Sontagin der Fasten/Matth. IIII.

Iesus ward von dem
Geist in die wüste geführt/
auff das er von dem Teu=
fel versucht wurde. Vnd
da er vierzig tag vnd vierzignacht ge=
fastet hette/darnach hungert ihn. Vnd
der versücher trat zu ihm vñnd sprach/
Bist du Gottes Son/so sprich/das dise
stein Brot werden. Vñ er anewart vñ
sprach/ Es ist geschriben/ nicht allein im
brot lebet der mensch/ sonder von einem
negklichen wort/das da außgehet von
dem mund Gottes. Da nam ihn der
Teüfel mit sich in die hailige statt/vñnd
stellte in auff die höhe des Tempels/vñnd
B sprach

sprach zu ihm / Bistu Gottes Son / so laß
dich hinabe / Dann es steht geschriben /
Er hat seinen Engeln befohlen von dir /
vnd sie werden dich auff den Händen tra-
gen / auff das du nicht etwann an einem
stein verletzest deinen fuß. Da sprach
Jesus: widerumb ist geschriben / Du solt
Gott deinen Herren nicht versuchen. Al-
bermal nam ihn der Teüfel mit sich auff
einen sehr hohen berg / zeigte ihm alle reich
der Welt / sampt ihrer herrligkheit / vnd
sprach / das alles will ich dir geben / wa du
niderfallest vnd mich anbettest. Da sprach
Jesus zu ihm / Gehe hinweg Sathan /
dann es ist geschriben / Du solt anbetten
Gott deinen Herren / vnd ihm allein
dienen. Da verließ ihn der Teüfel.

Vnd siehe die Engel tratten
zu ihm vnd dieneten ihm.

Auße-

Aufliegung dieses E.

uangelij / sampt einem berichte / auß was
ursachen / diser zeit / sonil leüt / vom Papstumb
zum Lutherthumb fallen / vnd wieden
versuchungen des bösen feinds /
widerstand geschehen solle.

DAs heüttig heilich Euang-
gelium / das ewer lieb vnd an-
dacht yetzunder von wort zu
wort von mir gehört hat / das
beschreibt vns einen kampf vnd
streit / der sich inn der Wüste / zwischen zweyen
den aller künisten vnd dapffersten Potentaten /
so da seind / zügetragen hat. Nämlich zwischen
dem Son Gottes vnd dem Fürsten diser Welt :
Vnd wiewol der Fürst diser welt / der laydig
Sathan / vnsern lieben Herrn vn Säligmacher
zum ersten angegriffen hat / vnd dasselbig auff
dreyerlay weg / so ist er doch alle dreymal / von
dem Herrn dermassen überwunden vnd auff das
Maul geschlagen worden / das er yederzeit mit
schanden widerumb hat müssen abziehen.
Vnangesehen aber dz er zimlich wol getroffen /
auch ihm sein kopff von dem Herren zerknitschet Gen. 3.
B ij worden

Außlegung

worden ist: so rürt er sich noch immer zu ein wenig/vñ vndersteht sich seinen zerschlagnen kopff/widerumb aufzurichten / vnd dieweil er im/an Christo dem Herrn nichts mehr trawt zügewinnen/so greißt er vns arme ellende menschen / die wir glyder Christi seind/an / versucht vns eben in disen dreyen stucken / in wölchen er Christum den Herrn vnser haupt versucht hat.

Er hat Christum den Herrn versucht/durch freßerey/da er zu im spricht. Bistu Gottes Son so sprich das dise stein Brot werden. Er versucht Christum durch hochfart vnnnd eytele ehz/da er zu im spricht. Bistu Gottes Son so laß dich hinab. Er versucht Christum den Herren durch den Geytz/da er zu im spricht. Das alles will ich dir geben/so du würst nyder fallen vnd mich anbetten.

1. Johan. 2. Eben in disen stucken/versucht er auch noch auff disen heütigen tag vns arme menschen/dies weil wir auff diser Welt leben. Dann wie der hailig Johannes schreibt: Alles was in der Welt ist / das ist eintweder wollust des flaischs/ oder lust der augen/oder hochfart des lebens. Es hat auch solches die listig Schlang / noch inn dem Paradeiß mit vnsern ersten eltern / Adam vnnnd Eua angefangen / die sie dann eben mit disen dreyen lastern verfür vnd überwunden hat/ als
durch

des Euangelij.

durch freßerey/da sie ihnen den rath gab/das sie
 von der verbottnen frucht des Baums solten es- Genes. 3.
 sen/durch hochfart/da sie inen zusagt/Eritis tan-
 quam Di, Ihr werdent sein wie die Götter/durch
 Geiz/da er zu inen sprach/ir werdent güts vnd
 böses wissen/dañ wie der heilig lehrer Augusti-
 nus schreibt/Auaritia quæ græce φιλαγυγία dicitur, Augusti
 nō in solo argento, unde nomen duxisse resonat, sed lib. 9. de lib.
 in omnibus rebus, quæ immoderate cupiuntur, intelli- bero arbi-
 genda est, ubicunq; omnino plus uult quisq;, quàm trio.
 latis, das ist auf teütsch. Der geiz der bey dē Grie-
 chen φιλαγυγία, das ist/die liebe des silbers geneñt
 wirdt/soll nit allein vom gelt oder silber/das
 her er den namen hat/sonder von allen sachen
 die vnmaßig begert/verstanden werden/vñ wa
 einer mer begert dann gnüg ist.

Diemeil vns dann der böß feind/nach eben in
 disen stücken versucht/in wölchen er Christum
 vnsern herin aufgefochten/vñ vnser erste eltern
 Adam vñnd Euam vberwunden hat/so will es
 die hohe vñnermeydliche notturstt erfordern/
 vnangesehen das ime Christus der herz/laut des
 heütigen Euangelij/ein stattlichen abbruch ge-
 thon/das wir doch nichts desto weniger auch
 für vnser Personen/vñns nach dem Exempel
 Christi beflissen/vñnd nach vnserm besten ver-
 müge bemühen/ihme einen widerstand zūthun/

B ij wollen

Aufliegung

wollen wir anderst nit in seine strick/die er vns allenthalben gelegt/einfallen vnnnd seine gefangne werden.

Vnd solches lehret vns auch Christus der herr in dem heütigen kampff vnnnd streit / mit seinem selbs aignem Exempel. Dañ wie etwa die Fechter maister pflegē ire lehrjungen/mit allein mit worten zū vnderweisen/wie sie sich gegen iren gegenkempffern in bossen stellen/wie sie sollen versetzen/die strich aufschlagen vnd abwenden:sonder stellen sich zūzeiten selber in kampff/lassen ire Junger zusehen/darmit sie wort vnnnd Exempel bey einander haben/vnd was sie mit dem gehöret künden/mit dem gesicht vermercken. Eben also hat jm Christus der herr auch gethon in dem heütigen Euangelio. Er war diser vsachen halber von hohen himeln herab auff dise Erden kommen/den starcken gewapneten Fürsten diser Welt zūbestreiten/vnd zūbinden/ ja auch aufzūtreiben/vnd wie der heilig Johannes schreibt/die werck des Teufels zūerwüßte oder hinweckzūthūn/erstlich durch sich selber/darnach durch vns. Derhalben so hat er vns zū solchem streit/mit allein mit worten/sonder auch mit seinem aignen Exempel vnderweisen. Wollen derhalben fein ordenlich nacheinander/wie dann der Text des Euangelij lautet/sehen vnd bedencken/wie
boch/

Chrisosto.
super 4 cap.
Mathzi.

1. Joh 2.

des Euangelii.

doch/vnnd in was stucken der böse feind Christum den Herrn versucht hab/vñ wie er von ihm vberwunden worden sey: auff das wir auch gleicher gestalt/ in disen vnnd dergleichen stucken/ dem Bösen feind/wañ er vns ansichtet/ widerstehn/vnnd in vberwinden können.

Dieweil aber diser zeit kaum ein stuck ist/darinn vnns der Böse feind hafftiger ansicht vnnd mer versucht/ als eben in vnserm aller Heiligsten Christenlichen glauben/ von wölllichem er vns/durch seine Apostel vñ gesandten/ deren er vil vnd manicherlay/schier in alle Christenliche Länder aufgeschickt hat/gern abwendig machē wolte: So wollen wir gleich auff dismal andere materien alle sambt lassen bleiben/vnd allein auß dem heütigen Euangelio betrachten/ wie der bößfeind/vns noch täglich durch seine diener/so wol als Christum den Herrn im heütigen Euangelio versucht/vnd kein fleyß spart/ob er vns doch zuletzt dahin möchte bringen/ das wir vns von der Christenlichen Catholischē Kirchen absünderten/vnd in seine Secten vnd Kottungen begeben/vnnd wie wir solcher versuchung des Teufels sollen vnd mügen nach dem Exempel Christi des Herrn widerstehn.

Von dem ersten angriff/den der Böse feind gegen Christo dem Herrn gethon hat/meldet der

Die erste
versuchung
vnd siren.

Text

Erste Versuchung

des bösen
feindes wie
der Christus
stum.

Text des heütigē Euangelij nachfolgende wort.
Vnd da er vierzig tag vnd vierzig nacht gefastet hett
te/darnach hungert ihn/vnd der versucher trat zu ihm/
vnd sprach/ Bistu Gottes Son/so sprich das dise stein
Brot werden.

Es hielt darfür die arglistige Bestia/dieweil
der Herz so ein lange zeit aneinander gefastet/vñ
derhalben hungerig worden wäre/er wolt ihn
desto leichter vberwinden: Dann/wann einer
sowil tag sich aller speys enthalt/dem darff man
warlich leicht von essen vnd trincken sagen/das
er lustig darzu wirdt. Aber die Kunst hat ihm ge-
fehlt/vñnd wenn er noch ein mal ein tausent
Künstler wär. Dañ Christus der herz als ein kñig-
licher streitbarer held/setzt sich wider ihn / stelle
sich gegen im zu weer/vnd vberwindt den bösen
Geist frey/in dem/das er jme im wenigsten nicht
weicht oder beuor gibt/ja er verstopfft im/mit
einem spruch auß der heyligen schrifft/das man
dermassen/das er weder hinder sich noch für sich
merckan.


Matth 4. Es steht geschriben (spricht er) der Mensch lebet nie
vom Brot allein/sonder von allem wort das durch den
mund Gottes gehet.

Wie nun der Böse feind Christum den Herzm
angegriffen vñnd versucht/also greiffen vns die
Knecht des Teufels noch auff disen heütigen tag
an/vnd wie Christus der herz/dem Bösenfeind
wider

des Bösen freinds.

widerstanden / also sollen vnd müssen wir auch
seinen Dienern widerstehn / wollen wir anderst
nit durch sie in irthumb vnnnd Ezerereyen verfür
werden. Dain des orts seind sie nit weniger arg
listig vnd abgefür / als ihr lehemaister der Böse
feind / wölcher / als er Chriſtum zur freſſerey über
reden wolt / da wartet er sein so lang biß er wol
wisset / das er hungerig worden wär. Also auch
die diener des Bösen freinds / die vns begeren zu
überreden / wir sollen den Catholischen glauben
verlassen / die faren auch nit so gar vnuersehen
lich daher / sonder süchen vnd erwarten ihr geles
genhait gar wol / greiffen vns auch in solchen stü
cken / vnnnd mit sollichen Argumenten an / die sie
wissen / das sie vns auch für sich selber nur geren
eingehn werden. Ein hungeriger ist bald über
redt / das er ein willen zu essen überkompt / das
wuß der Teuffel / darumb versücht er Chriſtum
mit der freſſerey / da er hungerig war. Also wiß
sen auch seine knecht / die verfürische Predicanten
gar wol / das die sün vnd gedanken des Mensch
lichen hertzens / wie wir geschriben lesen / von iu. Gen. 3.
gent auff / zu dem bösen genaigt seind. Derhal
ben so richten sie sich auch fein nach derselbigen
Natur vn̄ aigenschafft der menschen / jucken inen. 1. Tim. 4.
die oren gar sanfft / vn̄ versüchent sie allein in den
jenigen dingen / darzu sie auch für sich selber lust
vnd liebe hetten.

C Also



Erste Versuchung

Luther in
büch vñ der
Christlichen
freyheit.

Frem die die-
ner der
Sächsischen
Kirche wis-
der Georgis
um Maio-
rem.

31. Luther
in den arti-
culn so von
den Parisi-
ensischen
Theologis
verdampft.

Luther in
sermone de
preparatio-
ne ad Eucha-
ristiā. Et in
assertione 2.
art. Et Phil.
in 11. caput
ad Rom.

Also/wölchem znichtigen bösen Menschen/
wolt dise lehr nit anenem sein/allein der Glaub
mache sällig / die werck seind nit allein nit nutz-
lich/sonder auch schädlich zur sälligkait/wie Ni-
clas von Ambsdorff/inn einem besondern büch/
lein daruon geschriben hat:

Wölcher fauler nachlässiger Mensch höret nit
gern/das ein Christenmensch von allein Gesatz
gefreyt vud erlöset sey. Es sey auch der Mensch
nit schuldig solches zū halten / dann es ihm vn-
möglich/wie die new Euangelischen Propheten
daruon gelehrt vnd geschriben:

Wölcher Rauchloser/verzüchter / vnbüßfer-
tiger Mensch begeret nit von grund seines her-
zens/das es wahr wär/was man yederzeit/auß
dem newen Euangelio gelehrt / vñ offentlich ge-
schriben: Es sey ein schädlicher irthumb/wann
einer zū dem Nachtmal des Herin darumb desto
getröster gehe/dieweil er gebeicht/dieweil er sich
kainer sünd schuldig wisse / dieweil er sich durch
Gebett vñnd andere vorberaitungen geschickt
darzū gemacht habe. Dañ die jenigen die solches
thūn/die Essen vnd trincken ihnen selber das ge-
richt / wie mehr aber einer mit sünden beladen
sey/ye geschickter vnd tauglicher er darzū gehe.

Wölcher böser Bāb wolt nit gern hören/wañ
man lehret/die Ohrenbeicht sey ein vergebenlich
ding/

des Bösen freunds.

ding/ Sey auch vnwonnotten dem Priester alle
bewiste sünd inn sonderhait züerzelen / wie die
Nenuenangelischen Predicanten offentlich ge-
schriben/ vnd noch also lehren?

Luther in
Resolutio-
nibus & de
decem les-
prolis
Philip. Mel-
anthon in
loco de co-
fessione.
Luther in
libro de ab-
roganda
Missa ad Se-
natum Prae-
sentem.
Item de ca-
puitate Ba-
bilonica.

Wölcher verführer des volcks vnnnd auffrührer
so nit berüffen worden / sonder sich selber einge-
trungen / mag nit leyden das man lehret / Es sey
inn dem neuen Testament kain wahr/sichtbar/
lich/ vnd eüsserlich Priesterthumb / sonder alle
Menschen seyen Priester/ künden binden vnd lö-
sen/ vnd sich des ampts der schlüssel gebrauchen/
wie es bey den Sectischen practiciert vnd gelehrt
wirdt?

Luther in
resolutione
Art 36. Et
in assert.
Item Phil' p-
in annotat.
ad Rom.

Wölcher Dieb/ Möder/ Rauber/ Brenner/
wenn er nur inn der Schergenstuben ligt/ wün-
schet nit/ das dise lehrt/ für das Euangelium auff
der ganzen welt angenomien wär/ da abermals
dise gsellen lehren/ das alle ding/ güts vnd böß/
auf vnuermeydlicher notturfft/ absoluta neces-
sitate, geschehen? Das auch Gott visach der sünd
sey / non solum permissiue, sed etiam effectiue, das
ist / nit allain zuläpflich/ sonder auch würcflich/
Also das die verrathung Jude eben so wol ain
werck Gottes sey/ als die bekörung Pauli?

Melanthon
in annota-
tionibus in
Epistolam
Pauli ad
Romanos.

Wer wolt es doch hindennach alles erzölen/
darinn vns der böse feind / durch seine Diener

C ij vnd

Erste Versuchung

vnnnd Apostel angegriffen vnnnd versücht: Aber doch wie er heüß Christum den Herrn mit eh mit der Fresserey versücht hat/bis er zñuor wol gefastet vnd hungerig worden war/Also erwartet er auch hie seiner gelegenhait / vnnnd dieweil all sein thün allein dahin gericht / das er vns von vnser lieben Mütter/der allgemainen Kirchen/absündern möchte/So versücht er vns allain in disen stucken/zü wölchen wir auch für vns selber lustig vnnnd genaigt seind / damit er vns desto leichter züm fall bringen möge.

Noch ist aber die arglistig Schlang mit dem nit zü friden noch benüßt / das sie erwartet/bis Christus der Herr hungerig worden wär/vnd sie in also erst hernach versüchet/vnd griff in an/in disen stucken/wölche er/als der neben der Gottshait auch die war menschhait an sich genommen/von natur anzünemmen willig vnd bereit gewesen sein solte. Sonder gebraucher/über solches noch ein grössere arglistigkeit/gegen Christo dem Herrn/in dem heütigen Euangelio/vnnnd durch ihre diener noch täglich gegen vns.

Sie rath Christo dem Herrn nicht/das er im selber jergent ein köstliche speiß auß den Steinen mache/sonder allein Brot. Dann wie wir von ie geschriben lesen. Erat callidior cunctis alijs animantibus, sie war listiger dann alle andere Thier. Fecht

Des Bösen feinds.

es derhalben auch hie an dem klainsten vnnnd geringisten an/nit allein darumb/das man sie nit erkennen soll/sonder auch das sie verhoffete/wan sie Christum den Herrn ansehnlich nur in einem geringen vnnnd schlechten gewinnen möchte/so wurd es hernach mit dem vberigē auch nit mangel haben/wolte in daß wol weiter bringen.

Gerad also vnd nit anderst thun ihm alle falsche Propheten/alle Keger/alle versüßliche lehrer/diser vnser jetzigen zeit/sie sarend nit gleich im ersten angriff so vnbeschaidenlich herauß/dz sie sprechen/Sündert euch ab von der Catholischen Kirchen/verlasset vnnnd verlaugnet den Glauben/auff wölchem biß hieher alle heiligen/alle keüßchen/vnnnd Jungstrawen/alle Geistliche Leuiten/Priester/sonil tausent Beüchtiger/ein so vnaussprechliche zal der Marterer/wölche das Euangelium mit irem blüt bezeuget haben/ein so grosse menge der Stet/Flecken/vñ Dörsfer/so vil Insel/Land/Künig Völcker/Reich/Landschafften/vnd zū lest der ganze vmbkreis der Welt/sampt allen vnsern lieben Eltern/vñ fromen Gottlisäligen Vorfordern säliglich gelebt/vnnnd sonder zweifel auch die ewige freud vnnnd das Reich der Himel/erlangt haben. Also grob seind sie nit/sprich Ich/das sie solliches theten/sonder wissen es wol beschaidner anzū

C iij greiffen

Erste Versuchung

greiffen/nemlich etwa in ainē geringen/schlecht
tending/daran ainer gedenccken möcht/ es wäre
nit vil gelegen/vnnd wann sie dann dasselbig er
halten haben/so felt das ander alles mit hauffen
hernach.

2. Corint. 11.

Der mainung versucht heüt der lüstig Teuffel
Christum den Herrn: Der mainung versuchen
vns die Teuffels Propheten/ die vns gern zum
abfall wöllen bringen/nach täglich. Dann wie
der Apostel von jñe zeügt. Eiusmodi Pseudo Apo
stoli, sunt operarii subdoli, transfigurantes se in Apo
stolos Christi &c. Das ist solche falsche Apostel
vñ betriegliche arbeiter/ verstellen sich zu Chri
stus Aposteln/vñ dz ist auch kein wunder, daß er
selbs der Teuffel verstellet sich zum Engel des
lichts/darum ist nit ain groß/ob sich auch sei
ne diener zu dienern der gerechtigkeit verstellen.

Was solt es schaden sprechen sie/ wann du
schon in der Fasten fleisch issest/ dieweil je Gott
dise speys/das sie der mensch niessen soll. erschaf
fen: Was solt es für ain mangel bringen/wann
du schon das nachtmal vnder bayderlay gestalt
empfahest nach der einsagung Christi/ vnnd
gebrauch der ersten Kirchen: Mit disen vnnd
dergleichen stücken/ die sich gar gering vnnd
schlecht ansehen lassen/ versucht vns der listig
Teuffel/ am ersten/vnd wenn er vns den im we
nigsten

des Bösen freunds.

wenigsten vberwinden vnd dahin bringen kan/
das wir seinem rath folgen/vnd vns etwa in a-
nem oder zwayen stucken/ die doch ansencklich
schlecht vnd gering anzusehen sein/ von dem ge-
brauch der allgemainen kirchen Gottes absünde-
ren/so hat er alsdann ain gewinnens spil/vnnd
kan vns zu seiner gelegnē zeit/wo er nun hin will/
gar leichtlich/in allerlay gefährliche/schödlische/
ja auch Teüflische ketzereyen einführen.

Derhalben ain heiliger gelehrter mann/ so zu
diser vnser zeit geschriben/ dergleichen stuck/mit
welchē vns 3 Böse seind ansencklich versücht/
nit vneben einem Cuneo, das ist einem keyl oder
holzswickel/ verglichen.

Dann gleich wie ain solcher holzswickel/ des
orts/da er in das holz getriben wirdt/klein vnd
dinn ist/also das einer so denselben erstlich auff-
setzen sihet/ meinen möcht/ es wär nit möglich
das er ain so dickes vnd groß holz von ainander
treiben oder spalten soll/wañ man aber darnach
mit dem holzschlegel darauffschlegt/ da findt
sich aller erst/was das klein vnd dinn ort schaff
vnd würcke/dann so bald nur das dinn ort ain
wenig hinein komen ist/ so folgt das dicke inder-
dar hinnach/ vnnd wirdt so lang getriben/bis
sich das groß holz gar von ainander geben vnnd
zu scheitern werden muß.

Leben

Erste Versuchung

Eben ein solche mainung hat es auch mit dem
Nachtmal vnder bayderlay gestalt / mit erlaub-
ung des flaisch essens / vnnnd dergleichen andern
stücken / in welchẽ vns der böß feind anfangtlich
versucht vnd zũm abfahl zũ bringen sich vnder-
steet / wie es ihm dan bey vnzelig vilen menschen
bis her wol glückt hat. Dan wa deren stück eines
einmal angenommen ist worden / da ist das
dicker ort / an disem Kliebzwickel bald hinnach ge-
folget / nãmlich die Augspurgerische Confession /
welche dz Priesterthum vñ aller hailigest Opf-
fer der Mess mit einander abgethon. Es ist aber
dabey nit gebliben / dan es volgt noch ein dickerer
thail des Kliebzwickels vnuerzogenlich hernach
nãmlich der Sacramentierer vnd Caluini Con-
fession / welche die zway vberige Sacrament /
welche die Augspurgische Confession noch hette
lassen bleibẽ / nãmlich den Tauff / vñ die warheit
des Leibs vñ blüts im Sacrament des Altars /
auffgehebt / auff das wie ihene / ire anhänger des
Priestertums vñ Messopffers / also dise / die je-
gen der Sacramenten beraubet / sie beschuldiget
aber / vñ verdambt die Lutherischen eben so wol
als vns Catholische Christẽ / der Abgötterey.
Nun ist es aber noch nit genůg / dann der ange-
setzt keyl ist noch nit hindurch / das holtz ist noch
nit gar entzway gefallẽ / ist derhalben von nôtẽ /
wouer

Augspurg-
gisch Confes-
sion.

Sacramen-
tierer.

des Bösen freunds.

wonert das holtz so züuer gantz gewesen ye gar
engway gespaltē werden solle / dz das dicker thail
an dem Keyl auch vinnerzogenlich hernach folge.

So kompt dann der Schwencsfeld daher / ^{Ca'par}
der hat alle schrifftē mit ainander auffgehebt / <sup>Schwenck-
feld.</sup>
vnd alle Predig vñ dienstbarkeit des Worts / als
eüsserliche ding abgeschafft / verschonet kaines
thails / sonder wie er handelt gegen den Sacra-
mentstürmern / also thut er auch gegē den Luthē-
ranern / vñ vns Catholischen Christen / helt vnd
verdampft alle thail als Abgötter / dieweil sie al-
le miteinander an den schwachē Elementen han-
gen / das ist / er acht sie darumb für Abgötterer /
dieweil sie das hail vñnd die Seligkait durch die
schrift züerlangen verhoffen. Vnd dises ist nun
der grösste thail des speidels oder kliebzwickels.

Darauf nun erwer lieb vnd andacht genügsam
verstehet / das an disem spaltzwickel der vorder
rest vnd erste thail gleichwol klain vnd dünn war /
so bald er aber durch antreibung der verfürischē
leüt in gang kommen / da ist alles anders Teufels
gespenst / wie wir layder vorangē sehen / darauff
gefolgt. Also hat vns die täglich erfahrung züuer-
stehn geben / so bald man angefangē sich in etlich
wenigen stucken / so anfangs ein gerings ansehen
gehabt / vom gemeynen löblichen vñnd vralten
gebrauch der Catholischen kirchen abzüsündern.

D Da

Erste versuchung

Da seind ohn langen verzug mancherlay gifftrige
Ketzereyen hernach gefolgt.

Wölcher/vmb Gottes willē/hett erstlich ge-
dencken künden/das dise Disputation des Glau-
bens halber/vnd sonderlich von wegen des Sa-
craments des Altars / letstlich dahin gerathen
solt/das dise new Euangelische leut erstlich leho-
ren wurden wider die außtrucklichen wort Chri-
sti/Hoc est corpus meum: Das ist mein leib/das in
dem Sacrament des Altars der war Leib vnnnd
Blüt Christi nit sey? Ja wol/dā sie das spil erste-
lich angefangen/hett jms niemant traumen las-
sen/das sie so weit schreyten solten/vnd wann sie
sich mit solcher Gottsefterung gleich im anfang
der versuchung hetten hören lassen/so hette sich
yederman vor jnen/als vor den botten des leben-
digen Teuffels/bestes fleiß verhiitten/vnnnd sich
durch jhr versuchung zu kainem abfall bringen
lassen.

Gen. 3.

Aber wie ich vor auch gesagt hab/vnd geschri-
ben steet/Erat serpens callidior cunctis animantibus.
Die Schlang war listiger/dann alle thier auff
erden/Es ist kein list so groß/der der Schlangen
list möge verglichē werden / Sy verstehet wol/
wie sie dann auß nichts anders/dā auß eytel bes-
trug vnd list gemacht ist/wa sie sich gleich im an-
fang erzaigen wurde/wie sie an jhr selber ist/das
sie nichts wurde aufrichten. Dann

des Bösen feinds.

Dann wann sie von stundan herauf füre/
durch ihre glyder / vnd spreche / das ist der Leib
Christi nit / wie Christus gesagt hat / sonder es
bedeut allein den Leib / es ist ein figur des Leibs :
Wer wolt solche leüt / die so Gotlose wort brauch
ten / gedulden : Wer wolt sie nicht abgeschafft /
vnnnd zur höchsten straff verweisen haben : Der
wegen wolt diß aller listigist thier der menschen
herzen fein mit gemach schleichend einnehmen / sie
mit zeyt vnd weil bethören / vnnnd also von einer
staffeln zu der andern / bis zu der tieffsten vngöt
ligkeit vnd Gottflösterung verführen.

Erstlich weil kein richtiger noch fertiger weg
ist / die gemainen vngelehrten leüt in ainer lay ir
thumb zuführen / als wann der new lehrer fürgibt /
sein lehr sey inn der hailigen schrift außtrucklich
gegründt / so wendt ein sollicher falscher lehrer
den schein des Göttlichen worts für / vnnnd fächt
einen besondern zancck an / von der eüsserlichen ge
stalt dises Sacraments / damit er also die liebe /
wölcher diß Sacrament ein Symbolon ist / auß
der menschen hertzen hinweg reißen / vnnnd die ei
nigkeit spalten möge. Darnach wolt er die leüt
geren bereden / es wurde vns hiemit erstlich ein
Leib on blüt zu essen gegeben / nachmals auch
nicht das ware Blüt / sonder ein abgefünderter
liquor oder Blüt zu trincken gegeben / wolt geren

Erste Versuchung

sagen/das vnder der gestalt des Brots allein der
leib on Blüt/vnnd vnder der gestalt des weins/
allein das Blüt on leib sey.

Da er nun mit sollichen seinen geschwinden
Kunststücklen sonil aufgericht hette / das nun
mehr die leüt mit weniger andacht vnd geringer
ehrentbietung zum Sacrament giengē / darumb
das man das leben vergebentlich da hoffen wolt/
wa kein leben wär: Da füre er weyter fort/vnd
verneynet doch die warhayt des leibs Christi
nicht als bald / sagt auch nit gleich / Es wäre
nit der leib Christi: sonder gab für / vnnd leh-
ret/das in disem Sacrament zu gleich Brot vnd
der leib Christi miteinander seyen/damit er also
Joannis Wicleffi vnnd Hussi / vor langest ver-
dampfte Ketzereyen widerumb aufferweckt/So
doch Christus nit gesagt/dis Brot ist mein leib/
sonder / das ist mein leib. Der hailig Augusti-
nus inn der auflegung über den titul des drey
vnnd dreyßigsten Psalmen / der also lauttet/
Psalmus David, da er sein Angesicht vor dem
Abimelech verhält / vnnd er ihn gehn ließ &c.
Legt dise stell auf der König Bücher / nach der
Septuaginta edition, also auß/vnnd spricht über
dise wort/Er ward inn seinen händen getragen:
Meine brüder / wie kan solliches menschlichem
verstandt nach / einem Menschen geschehen:
Dann

Wicleff vnd
Hussiteger
115.

August.

Psalm. 37.

1. Reg. 21.

Des Bösen freunds.

Dann wöllicher mensch wirdt inn seinen selbst händen getragen? In anderer händen kan ein mensch getragen werden. Wie solliches dem Bächstaben nach/ vom David verstanden werden soll/ das finden wir nit/ aber in Christo finden wirs. Dann Christus ward in seinen henden getragen/ da er sein leib selbs commendieret sprechend/ Das ist mein leib. Dann er trüg solchen leib in seinen henden. Da hören wir lauter das Christus sich selbs inn seinen henden trüg/ da er sprach/ das ist mein leib: vnnnd sprach nit/ das ist brot mit dem Leib/ wie yetz der Sathan/ durch seine glider felschlich lehret.

Dann der Sathan den leüten einen wohn vnnnd opinion gemacht het/ als blibe das Brot mit dem leib Christi da/ vnd also durch sein falsche lehre disem hochwürdigen Sacrament nicht einen geringen abbruch an der vereherung gethon het/ da schleicht er ferner/ vnnnd darff sich doch noch nit recht sehen lassen/ last sich auch nit recht mercken was er wöll: Sonder läßt bleiben/ das der leib Christi gegenwertig sey/ aber doch zu keiner anderenzeit/ dann so man es empfahet. Werde aber yemandt das Sacrament außserhalb der niessung anbetten/ so soll er für einen Abgöttischen menschen aufgerüffen werden. Dieweil er nun gesehen/ das im dise gelegt

D iij . grundfest

Erste versuchung

grundt fest an vilen orten / bey dem leichtfertigen
vnnnd fürwitzigen gemainen Pöfel bestendig belib-
ben / hat er sich vnderstanden / bayde / das Prie-
sterthumb vnnnd Opffer zu gleich hiemit zuuer-
barwen / auff das mit der zeit inn aller menschen
herzen vertilgt werd alle gedechtnuß der vner-
meslichen wolthaten vnsers erlösers vnd Selig-
machers Jesu Christi / der sich seinem himlischen
vattern für vnser sünd / selbs williglich zu einẽ
wolgefelligem süen Opffer dargestellt hat / Wöl-
cher gütthat gedechtnuß die Catholisch Kirch
im aller heiligsten Mesopffer bißher (Gott hab
lob) wider alle pforten der höllen erhalten hat /
vnd biß auff heütigen tag löblich vnd Christlich
erhelt.

Nach dem er nun diß alles nach seinẽ wolgefäl-
len verrichtet / ihme auch alles glücklich naher
gange ist / da hat er die sache erst recht angegriffen
vnnnd sich gesetzt / dahin er im anfang getrachtet
hat / also das er / wie ein Gotloser / schreyen / wie
ein vnßiniger in seinem herzen dichten darf / Non
est Deus: Gott ist nit inn disem Sacrament /
der Leib Christi ist auch nit darin. Es ist nur brot
wie es auß dem ofen kombt / vnnnd wölcher ihm
Göttliche eher erzaigt der ist ein Abgötterer.

Wann die listig vnnnd blätgürig schlang sol-
chen gewel alß bald im anfang durch ihre glider
het

Psalm. 19. et
Psalm. 51.

des Bösen feinds.

het aufgespyen / so hett man den ihenigen / so solches geredt vnd gelehrt gehabt / ihz lügenhafftigs man / on grosse mühe verstopffen können / es wurd sich auch keiner so dergleichen Gottlosen Worten zugehört hett / mit sollichen Teuffels stricken so leichtlich haben fahen lassen. Darumb hat gemelte Schlang für besser angesehen / dz sie mit jr gezücht / am vndersten staffel anfieng / vnnnd zug sich auff dem bauch fein gemacht von einem auff den andern / biß das sie vom obersten in der menschen hertz einschleichen / vnd daselbst mer vnzifers aufziehen möcht.

Derhalben / jr geliebten in Christo dem Herrn dieweil vns der Böse feind so gefar vnd nachstellig ist / vnd immerzu herummb gehet / wie ein brüllender Löw süchend / den er verschluckt / lockt vns wie ein listiger vogler / mit einem lieblichen pfeiflen zu sich / mit welchem er die stim Gottes imitiert / legt vns ein wol riechend aaf / steckt vns ein Feder / das wir als die fürwitzigen Visch inn dem vngestümen Meer diser welt mit lust annemen / bedencken aber nit das ein tödtlicher Angel darunder ist / mit wellichem er seine gefangnen inn abgrund der Hölle zeucht / So sollē wir billich gewarnet sein / das wir vns / sovil immer möglich / vor seinen arglistigen tücken hütten.

Fragt jr nun / wie sollen wir vns vordises tansento

Erste Versuchung

sentkünstlers betrug hätten? Thut im also / wie ihm Christus der Herr inn dem heütigen Euangelio gethon hat / da er vierzig tag gefastet hette / vnnnd nun zum essen lustig worden ware / also das der Böß geyst nit anderst mainte vnnnd verhoffte / Er hett Christum an einem rechten ort angetroffen / vnnnd dermassen zu seinem vortel gebracht / darauff er ihme nit mehr entweychen möcht / sonder sich müste vberwinden lassen / derhalben er ihn dann am ersten zur Fraszheit anmüttet / da war es zeit / das Christus der Herr das Geistlich schwert des Göttlichen worts brauchet / wüschet darauff mit einem spruch auß der Hailigen schrift herfür / vnd gab ihm ein solliche abweisung / das er zum andern mal gar wol anheimbs gebliben wär. Es steht geschriben (spricht er zu ihm) der mensch lebet
"nit vom Brot allein / Sonder von allem wort /
"das durch den mund Gottes gehet: Also sollen wir dem Bösen feindt auch widerstand thun / als oft er sich vnderstehet vns inn einem oder mehr stucken / vnnnd sonderlich in sachen / die vnser verkörten Natur annämlich / von der Christenlichen allgemainen Kirchen abzuführen / so oft sollen auch wir nach dem exempel Christi des Herrn / ihme mit der schrift begegnen / vnnnd sprechen: Es steht geschriben / das die Kirch
sey

des Bösen freunds.

sey Columna & firmamentum ueritatis, das ist/ein ^{1. Tim. 3.}
Seül vnnnd grunduest der warhait/das auch die
porten der Höllen nichts darwider werden ver- ^{Matth. 16.}
mügen.

Sihe zü/du laydiger Teüfel/der ihenig so sei-
ner Kirchen auff diser Welt diß verhaissen vnnnd
zügesagt hat/der ist die Warhait selber/kan wer ^{Johan. 14.}
der liegen noch triegen/derhalben verlassen wir
vns nun getröst auff seine wort. Es ist auch ganz
vnd gar kein zweyffel bey vns/dann dz das ihe-
nig/so durch den ainhelligen Consens derselbi-
gen Kirchen angenommen worden/nyr gent an-
derstwa her/als von dem Gaist Gottes/der da
ein Gaist der warhait ist/herkomme. ^{Johan. 14.}

Derhalben ob du dich gleich zeriffest/du lay-
diger Sathan/ob sich schon alle Porten der Höl-
len wider vns legten / ob schon deine Gesandten
vnnnd Predicanten / noch einmal also wütteten
vnnnd tobten / so bleiben wir doch bey der Kir-
chen Gottes / außser wölcher weder Hayl noch
Seligkait ist / beständig. Dife Kirch bekennen
wir inn den zwölff Articklen vnser Chriſtenli-
chen Glaubens. Difer Kirchen rühmen wir vns/
Das ist die Kirch von wölcher Christus der Herz
selber spricht/Wer sie nit höret/der soll für einen ^{Matth. 15.}
Hayden vnd Publican gehalten werden: Für di-
se Kirch/hat Christus der Herz sein theüres Ro-
E senfarbes

Erste versuchung

senfarbes Blut vergossen: Bey diser Kirch als vnser Mütter/in wölcher wir geborn/vñ durch den Tauff widergeborn seind/lassen wir vns sin den/dierweil wir auff diser welt leben. Dann von ihr vñnd ihrer lehr/so sie fñhrt/seind wir gewis/daß sie seyð der Apostel zeyt/durch ein ordenliche successiõ vñd nachkõmning/ohn ainigs auffhõren/von ainer hand zñ der andern also übergeben/vñd on alle verfälschung/rayn vñd lauter/bis auff vnns kõmmen sey / so du entgegen nit laugnen kanst/du Böser seind/du versücher/du verfñrer des Christenlichen volcks/das alle die lehren / die du innerhalb fünffzig jaren/durch deine Predicanten / vñder dem herlichen schein vñnd titul des hailigen Euangelij allenthalben außgebräutet hast/nichts anders als new lehren seind/die da bis hieher/nye also gelehrt/nye auff die weyß geprediget/nye inn disem sinn oder verstand verkündiget worden seind.

Iha ich sag dir noch mehr darzñ/du kanst nit mit einen ainigen Christlichen / bewarten vñnd Catholischen Doctorem der kirchen Gottes nennen/Iha auch kainen Kerzer nit / der das Corpus Lutherang oder Calviniang doctrinã, vor diser zeit/etwann inn Schrifften verfasst hett / Der die schrifften inn den fürnembsen hauptpuncten vnser Christlichen glaubens/alt verstanden vñd außgelegt

des Bösen feinds.

aufgelegt het/wie deine trewe diener/die du nun
allenthalben aufgeschickt hast/dieselbigen noch
heütigs tags verstehn/vnd auflegen.

Ist aber das nit ein jamer über alle jamer? Ist
es nit zu erbarmen vñ zübeklagen/das die Welt/
seyd der Himelfart Christi / nun weyt über die
Fünffzehnhundert jar gestanden/vnd dannoch
dise so lange Jar herumb nit ain ainiger ist gewes-
sen/der die schrift recht hette verstanden/der den
rechten glauben gehabt hett?

Oder aber so du ye mainst es seyen yeder zeyt/
etliche/etwa in den wincklen hin vnnnd wider ge-
steckt/die ain gleichlauttende lehr vnnnd Glauf-
ben geführt vnnnd verthedigt haben/wölche sich
mit der schwebenden Secten ainer vergleichen
möcht/so beger ich mit dieselbigen mit Namen zu
nennen/wie sie gehaissen/an wölchem ort sie ge-
lebt/gelehrt/geprediget/in wölchem Land/in
wölcher Statt/in wölcher Kirchen/auff wöl-
cher Tangel/zü was zeyten/vnder wölches Röm-
ischen Kayfers Regierung / Item wie die Bü-
cher haissen/darinn sie das Corpus derselbigen
neuen lehr beschriben vnd begriffen. Ich wais es
aber gar wol/du böser feind/wenn du noch so li-
stig wärest/das dir vnnnd deinem anhang solches
zu beweisen in Ewigkeit nit möglich.

Dann damit es Ewer lieb wol mercke/vnnnd

E ij fleissig

Erste Versuchung

fleissig behalt / So widerhol Idhs widerumb /
vnnnd sag es güt rund vnnnd vnuerholen / mit he-
len Teütschen Worten heraus / Darmit mich ye-
dermann wol vernemen mög. Vnmüglich ist
es den new Euangelischen Predicanten / das sie
ainen ainigen / frommen / hailigen vnnnd appro-
bierten Doctorem der Kirchen Gottes nennen
kñnnen / der das Corpus ihrer Confession / das ist
ein einhellige Summa der fürnehmsten stuck ihres
glaubens / den sie auff disen heüttigen tag lehren /
beschriben hab.

Ist dann das wahr? Wie es sich nimmer
mehr anderst erfinden wirdt / was folgt doch an-
derst heraus / wann ihr glaub der recht / Christ-
lich / Euangelisch / vnnnd allain sáligmachend
glaub wäre / dann dz das leyden vnnnd sterben
Christi lautter vmbsonst wár / vnnnd das vn-
ser lieber Herz vnnnd Sáligmacher sein Rosen-
farbs Blüt / an dem stammen des heiligen Creü-
tzes vergebens vergossen? Dann warzü hat es
genuzet? Was hat es geholffen? Wem hat
Er damit gedienet / dieweil die ganz Welt
nicht weniger als vor / inn der finsternuß der
vnwissenhait / vnnnd dienst der Abgötterey ste-
cken gebliben. Das sie aber also gebliben sey /
folget auß dem / dieweil sie nit ain ainigen nen-
nen kñnden / der vor diser zeyt / die schrifft inn
den

des Bösen feinds.

den haubtstücken vnserß glaubens auff ih: weiß
aufgelegt. Wo bleibet auch also die verhaiss-
sung Christi / der dort gesprochen. Ego uobiscum Matth. 28
cum sum usq; ad consummationem sæculi. Ich bin
bey euch bis zum End der Welt. Vnnd wi-
derumb / Ich will den Vatter bitten / vnd Er
wirdt euch einen anderen Tröster schicken / der
inn ewigkait bey euch bleib / den Geist der war- Joh. 14.
hait.

Es ist aber war vnnnd bleibt inn ewigkait
war / was die warheit selber gesagt hatt /
vnnnd ist dargegen mit kainem grundt züberwei-
sen / was die bosheit jr selber erdacht hat. Chris- psal. 26.
tus der Herr ain haubt der Kirchen / verläßt
diesen seinen Gaistlichen Leib die Kirchen nit /
Es mangelt ihr auch nit / vnnnd wirdt ihr inn
ewigkait nit manglen / an dem heiligen Geist /
der sie laitte / Regiere vnnnd füre / darmit sie inn
kainen irthumb fallen künñ / Von diser Kirch /
wollen wir vns auch in dem wenigisten nit treis-
ben lassen / als außser wölcher / wie zu der zeit des
Sündflus außserhalb der Archa Nohe gesche- Gen. 7.
hen / kain Mensch vor der ewigen verdammus ero-
halten mag werden. Was vnns dise vnser
aller hayligiste vnd getreweste Mütter in glau-
bens sachen fürschreib / das halten / glauben
E in vnd

Erste versuchung

vnnnd bekennen wir on allen zweiffel / für recht /
für Göttlich / für Christlich / für Euangelisch:
Was sie vnns aber entgegen verbeüt / das mey-
den wir / als ain giff.

Wann ihr nun den Bösen feind / also oft er
etwa auch mit schlechten sachen sich vndersteht
euch zäuersüchen / vñ von der allgemain Christo-
lichen Kirchen abwendig zümachen / jederzeit
also ainen starcken widerstand thün werdt / so
wirdt er gleich als wol als inn dem heüttigen
streit mit Christo / vnuerichter sachen / mit
spott / als ain vberwundner müssen widerumb
abziehen.

Dieweil auch ain solche grosse gefar darauß
steht / wann ainer dem Bösen feind etwa nur in
ainem geringen ding / Daran er maindt nit vil
gelegen / wolte nachgeben: So will Ich ew-
er lieb hiemit noch ainmal ganz trewlich ge-
warnet haben / Sie wölle sich vor disem arg-
listigen feindt / nur gar wol inn allen winckelen
fürsehen / vnnnd ime inn dem wenigisten nit wei-
chen oder nachgeben / Sonder nach dem Ex-
empel Christi / ihme eben so wol im Flainen /
als im grossen yeder zeit stattlich widerpart hal-
ten. Des will ich euch in etlichen sondern stucken
ain Exempel oder zway geben.

Rath dir der Böß feind / das du güte werck
vnderlassest /

des Bösen feinds.

vnderlassesi/ als die seiner vnnnd alles seines ver-
lorenen hauffens mainung nach / nit nutz/ sonder
schödllich zur Seligkeit seyen/ So sprich du nain
darzü/ warumb? Dann es hat der heilig Paulus Rom. 2
mit außdruckenlichen worten geschriben* Deus
reddet unicuique secundum opera sua, Gott wirdt
ainem jedtlichen widergelten nach seinen wer-
cken/ Er hat widerumb geschriben / lassent vns Galla. 6.
güts thün / vnnnd nit auffhören / dan zu seiner
zeit werden wir auch einschneiden / vnnnd nicht
darob erligen/ Vnnnd widerumb / Wir müssen 1. Cor. 6.
alle offenbar werde/ vor dem Richterstül Chri-
sti / auff das ein yeder empfahe / nach dem er
gehandelt hat inn seinem Leyb / es sey gut oder
böf.

Räth dir der Böf feind/ du sollest inn der Fas-
ten flaisch essen/ dem Bapst vnd Pfaffen nur zu
layd vnd trutz/ dann da seyest du erst ain rechter
Euangelischer mann/ wann du essest die speyf/
so Gott dē menschen zur narung beschaffen/ So
sprich du nain darzü. Warumb? Dann der hei-
lig Apostel Paulus schreibt mit hellen teütschen/
klaren vnd außdruckenlichen worten/ ehe dan er
sein Brüdern wolt ergern/ ch wolt er sein leben
lang kein flaisch essen. 1. Cor. 2

Räth dir der Böf feind / du sollest dich nit
mer bezaychnen mit dem zaychen des hailigen
Creüz/

Erste Versuchung

Creüz/es sey ain Abgötterey vnnnd Zauberey/
jha eben souil / als wann einer mit den fingern
ainen Circel inn Lufft mache/ wie dann mit der
wenigst vnder den new Euangelischen Prä-
positis, dise vnd dergleichen Gottsehrungen/
mit lengst geschriben/ vnd im öffentlichen Truck
hat lassen aufgehen/ so sprich du Nain darzü.

Philp. 1.
Athana. de
humanitate
Christi &
aduentu
eius in car-
ne.
Chrysosto.
in demoni-
stratione ad-
uersus gen-
tes & ora-
tione 5. ad-
uersus Iu-
dæos, &
Homer. 55.
in Mathæ-
um.
August. in
Psal. 141.
Idem Tra-
ctatu 118. in
Iohanne.
Idem Sera-
mone 19.
de sanctis.
Theo. lib. 3
ca 5. histo-
ria Ecclesiæ.

Warumb? Dann vber das/ das der heilig Pau-
lus/ solche Gesellen/ Inimicos crucis Christi, das ist
feind des Creüz Christi/ nennet/ So schreiben
die heiligen Lehrer/ Athanasius, Chrysostomus, vñ
Augustinus, vnd andere mehr/ dz von forcht we-
gen des Creüzzeichens/ die Teüffel fliehen/ die
Waarsagungen auffhören/ vnd alle Zaubereyen
darvnder ligen: Insonderheit aber schreibt der
glaubwürdig Histori schreiber Theodoretus, von
dem Kayser Juliano/ so den Christlichen glauß
verlaugnet/ vñ zñ ainem Nainalucken wordē/
als jm auffein zeit der Böse feind gar nahet war
kommen/ das er / wiewol er schon den glauben
Christi verlaugnet hette / auß forcht dahin ge-
zwungen worden/ sich mit dem zeichen des heili-
gen Creüzs zñzeichnen/ da seyen die bösen Gay-
ster also bald verschwunden.

Rath dir auch lestlich der Böse feind/ du solt
lest von der hailigen Christlichen allgemainen
Kirchen abweichen/ vnd dich in seine Secten vnd
Kottungen

des Bienen feinds.

Rottungen ergeben/dañ das Bapstumb/wie es
 dise schmäher nennen/das sey nur auff Fabeln/
 alter weyber tandt/vnnd erdichten lugenden ge-
 gründet/wie dann brüder Rausch von Newburg ^{Rauscher}
 in seinem Cento nouella, so Er newlich hat lassen ^{Predicant}
 außgehn/daruon schreibet. So sprich du Nayn ^{zu New-}
 darzu. Warumb? daß vnser Pfarzherm vñ Pie- ^{burg an der}
 diger/die wir durch die genad Gottes im Bayr- ^{Thonaw.}
 land vñ andern Catholischen ortē haben/die leh-
 ren vñ weysen vns kainen andern weg/die ewige
 sälligkeit zūerlangen/als eben Christum Jesum/
 Diser/sag Ich/ist das war vñ ainig fundament/
 ist auch vnmöglich/das ainer ain anders funda-
 ment legen künd/wie auch Paulus zeiget / dann ^{1. Cor. 3.}
 das da gelegt ist/Christus Jesus/darauff vnser
 lehre sich fundirt vñ gründet/vñ gar nit etwa auff ^{Grundest}
 dise ober andere erdichte (wie du es nennest) lu- ^{des Bapsts}
 genden/die ich doch in seinem werdt berüwē laß. ^{schen glau-}
 Ja wann duß eben wissen wilt/so hat man die leute ^{bens.}
 inñ Bapstumb/auff disen Christum Jesum/vnd
 sonst auff kainen andern/der gestalt/als den wa-
 ren/rechten/ainigen Eckstein vnsero glaubens/
 vnsero hails/vnser seelen sälligkeit/ye vñ allweg
 gewisen: Man hat den Christen/vor sechzig/si-
 benzig/achzig/hundert/zway/drey/ vierhun-
 dert jaren/vñ also hinder sich zū rayte biß auff der
 Apostel zeit/in der Bapstischē/dz ist Christlichen
 S Catho-

Erste Versuchung

Catholischen Kirchen alle zeyt / allain auff Chri-
stum Jesum / als vnsern ainigē Hayland / ainigen
Seligmacher / ainigen Erlösern / vnd sonst auff
Einen andern gezaiget / vnd dasselbig nit allain
mit schreiben vñ predigen / sonder auch sonst / mit
anstellung etlicher besonderer zeit vñ tag / mit eü-
serlichen zaichen / mit bildnussen / mit Kleidung /
gebärden / vnd sonst andern Ceremonien mehr.

Warüß schämbst du dich dan nit in dein blüt hertz
hinē / du ellender mensch / das du dein getrewe
Mütter / die Christenlich Kirch / wölche dich (wie
du selber nit laugnē kanst) durch das Sacrament
des Tauffs widergeborn hat / wölche dich in die
zal der auferwölte aufgenommen hat / wölche dich
anfanglich die zwölff Articul / vnser aller hai-
ligsten Christlichē glaubens / gelehrt hat / dz du /
sag ich / die selbig dein getrewe müter / die du spöt-
licher weiß dz Bapstumb nennest / also fälschlich
schänden vñ schmähen / vñ on allen grund in der
vorred deines büchs / in der ganzē welt aufrüffen
darffst / als ob sie mit den glaubē gelehrt vñ gepre-
diget / dariñ wir bekennen / das Eain ander Nam
den menschen vnder dem Himel gegeben worden
sey / in wölchem yemands selig worden sey / oder
noch werden müge / den allein der Nam des ihe-
nigen / wölcher auch darumb Jesus wolte genant
werden / das er sein Volck von ihren sünden sälig
machen

Mat. 4.

Mat. 1.

des Bösen freunds.

machen solt. Sonder habe ainen glaubē begert/
der da/wie du redst/auff fasten/wolgemeßten/
erstuncken lügen gegründet vnd fundiert sey.

Wie bist du doch vmb Gottes willen so keck/
Mein brüder Kauffsch: Das du also freuenlich vñ
vnuerfchambt/wider die helle/klare/offentliche
vñ außtruckentliche warheit/solche greifliche Cal
umnien vñ lügen/die du doch in ewigkait nimmer
mehr/weder weisen noch wahr:machē kanst oder
magst/in offentliche Truck hast dörffen aufgehn
lassen: Sihe(darmit ich ander ding vil übergehe
vnd geschweig) wann du allein die schöne/Herli
che fest angesehen hettest/die das ganz jar hinumb
inn der Catholischen Kirchen werden gehalten/
So hettest du befunden/das eben inn dem Babo
stumb/das ganz jar/in besondere zeyten/wun
derbarlich aufgethailt ist/also das kein articul
des glaubens von Christo ist/der nit sein beson
der Fest im jar hinumb hett/das also die glaubi
gen sein ainziger weiß/aller der ding/so sie von
Christo glauben sollen/erinnert werden/das es
auch vnmöglich wär/das sie es künden verges
sen: Wie hast du dann sagen dürffen/das vnser
glaub so auff Christum stehet vñ gericht ist/auff
lügen vñnd erdichten lugenden gegründet sey:
Wie kündte Ich dir hie auff die hauben greiffen/
Mein Brüder Kauffsch/ wann Ich wolte alle

f ij articul

Erste Versuchung

articul des glaubens nach ainander erzölen / vnd darneben klärlich berweysen / wie solliche yederzeit im Bapstumb gelehrt / vnnnd auff besondere auffgesetzte tag / mit andächtigen Ceremonien gehalten / vnd den Leüten nur wol in ihre hertzen eingebildet worden / derhalben dann der Bábstlich glaub / nit auff erdichten Lugenden / sonder Christo Jesu dem gecreüzigten gegründet gewesen vnnnd noch sey : Von wölliches Creüz man auch gelehrt / das er vnser hail vnd erlösung / vnser herzigkait / vnser triumpff / vnser höchste hoffnung vnd züuersicht seye : dieweil es aber zü lang werden möcht / will ich es gleich auff dismal hiebey lassen berühren : Kan aber doch nit vnderlassen / dir züvor züm Valet, noch ein fragestück oder etliche auffzúgeben.

1. Cor. 1.

Mein brüder Kauff sag mir an / waißtu nit das man im Bapstumb vor jaren / diser vrsachen halben / die vierzigtagig Fasten inn der Kirchen angestellt vnd gehalten / das ein yedlicher dieselbig zeit hinnumb / ihm selber an speiß vnd trancß abbrechen / das ist mit fasten vnd betten / sich geschickt vnnnd taugenlich machen solle / das er allein der betrachtung des Creüßs vnnnd leydens Christi / alles anders hindan gesetzt / desto besser obliegen / vnd aufwarten künde :

Waißt du nit das die zwü letzte wochen in der Fasten /

des Bösen feinde.

Fasten/ so man darnondie Marter wochen ge-
nandt/ yederzeit/ allein im gebett vñ betrach-
tung des leidens vnd sterbens Christi/ andäc-
tiglich/ zugebracht vnd vertriben werden?

Waisstu nit dz man eben dise wochen/ allain
diser vrsachen halber/ Hebdomadam sanctam, ge-
nant hat/ das vns in derselbigē/ dz gehaimnuß/
des leidens vñ sterbens Christi fürgestellt wirt/
durch wölchs wir abgewaschen/gehailiget/vnd
gerecht fertiget seind?

Waisstu nit das man vor jaren im Babstumb/
dz ist/im rechten Christenthum/die ganze Car-
wochen gefeyret/vñ alle weltliche geschäft auf
ain ort gestellet/auch sich dieselbige hailige zeit
hinumb/alle fromme hertzen mit nichten anderm
bekommert/als allein mit betrachtung der vber
auff grossen wolthaten/wölche vns vnser Herz
Christus(als selbst der Priester vnnd das Opf-
fer)auff dem Altar des Creutzes gnediglich er-
zaigt vnd bewisen hat?

Waisstu nit dieweil Christus d Herz vns durch
sein heiligs leiden vñ sterbē/verzeihung aller vn-
ser sünden verdient/dieselbigen aber niemand zu
wegen bringen kan/es sey dan sach/ das er seine
sünd als die solchē schmerzen Christi verursacht
habē/zunor mit hertzlicher tranzigkeit ernstlich
betrachte/dieselbigen verflüche/vnd gleichsam

f iij ain

Hic. 31.

Heb. 12.

Efd. 38.

August. li.

de utilitate

pœnitentiæ

cap 1

Tertul lib.

2. contra

Martionē

Erste versuchung

Math. 18.

Orig.

Hom. 2. in

Pfal. 97.

Aug. 18.

Sermonne

66. de tem

pore.

ain aberwillen vñ feindschafft gegen in gewinne/
Auch hertzliche reu vnd leid darumb entpfinde/
bitterlich waine/vnnd also zu dem Priester / als
zu dem diener Gottes eyle/der den gewalt zu lö-
sen vnd zu binden von Gott empfangen hat/vor
demselbigē seine sünd ordenlich erzeltē/vñ durch
sein Priesterlich ambt/aber allein auß krafft vnd
verdienst des leidens vnnd sterbens Christi/sich
zu absoluieren/vnd Gott dem vatter/wölchen
er so oft vnd gröblich erzürnet/versönet zuwer-
den begere.

Waistu nicht/sag ich/das eben auß diser vñ
sonst niergent kainer andern vrsach die Christen-
lich Kirch gebotten/vnnd iren kindern den recht
glaubigen aufferlegt/das solliche werck der blüß/
fürnemlich in diser zeit/in der hailigen wochen
von jederman verrichtet wurden? Darmit auch
darbey alle menschen erinnert wurden/das ver-
zeihung der sünd/niergent anderstwo herkunne/
als allein auß dem verdienst des leidens vnnd
sterbens Christi.

Auch du waist aber dises vnd anders/sonder
zweiffel/vber die massen wol/dann es ye einmal
hell vber hell/klar vber klar/offenbar vnnd inn
der ganzen Welt bekandt vnnd wissentlich ist/
das der Pabstlich/das ist/der war/recht/alt/
Catholisch/vnnd Apostolisch glaub/auff kai-
nem

des Bösen feinds.

niem anderen fundament / auff keiner anderen
 grundtuest / gestandē oder fundiert worden / als Eph. 2.
 eben auff den grund der Apostel vnnnd Prophetē/
 da Jesus Christus der obuste Eckstein ist / inn
 welchem ain yedes gebew erbarwet wirdt vnnnd
 wechset / zū ainem hailigen Tempel in dem Her-
 ren / Wie hast du dir dann inn deinen sinn dürffen
 nemmē also sit̄enlich vñ fälschlich / wider dein
 selbsaigen gewissen / die Catholisch Kirchen an-
 zūliegen: O Kauscher / Kauscher / wie wirt brin-
 nen inn der Höllischen flammen ainmal so wehe
 thūn: Wievil rechter hettest du gethon / wann
 du diß dem Gedicht / so du nur zū deiner selbs
 aigen schand vnd spott hast lassen aufgehn / het-
 test lassen bleiben / vnd wärest mit deinen armen
 leüten dahain̄ gebliben. Dann das will ich dich
 wol vergewissen / mit solchem Badgeschirz / wirst
 weder mich / noch yemand anderen vberreden /
 das er sich aines solchen Fabelhansen nichtsol-
 lends Büch anfechten vnnnd bewegen laß / von
 der Christenlichen Kirchen / zū ewren zerpalten
 vnd zerthailten Secten vnnnd Kottungen abzū-
 fallen / Insonderheit dieweil wir auch beydem
 hailigen Paulo geschriben lesen. Es ist ain Gott / Eph. 4.
 ain Glaub / ain Tauff / ain Kirch / ain Geistli-
 cher Leib Christi / ain Arch / in wölcher wir von Gen. 6.
 dem ewigen Sündtflus erhalten werden.

Auff

Die ander verſuchung

Jac. 4.

Auff ſolche weiſe / ir geliebte / müſſen wir / nach dem exempel Chriſti im heütigen Euangelio / de Böſen feind widerſtand thun / ſo werden wir ihn auch gewiſſlich vnd ohn allen zweiffel / als wol als Chriſtus der Herr / vberwünden / wie dan der hailig Iacobus ſchreibt / Widerſteht dem Böſen gaiſt ſo wirdt er von euch fliehen / Souil von dem erſten Kampff den Chriſtus der Herr mit dem Böſen feind gethon / vnnnd in vberwunden hat.

Die ander
verſuchung
vnd kampff
Chriſti mit
den Böſen
ſen feind.

Nun wöllend wir von dem andern auch etts was hören: Dann der Böſe feind / wiewol er ſchon ain Kappen von dem Herzen Chriſto empfangen / So hat er ſich nit darumb von ſtunden an laſſen abweyſen / ſonder dieweil es ihm auff ain weg nit gerathen / hat er es auff ain andere verſucht.

Psal. 90.

Dan wie der text des heütigen Euangelij meldet / So hat ihn der Teüffel genommen / vnnnd hat Ihn auff die höhe des Tempels geſtellt / vnnnd also zu Ihm geſprochen / Si filius Dei es, mitte te deorsum, das iſt / Wiſt du Gottes Sun / ſo laß dich herab / dann also iſt geſchriben / Er hat ſeinen Englen von dir gebotten / das ſie dich inn allen deinen wegen bewaren / Sie werden dich auff die händen tragen / damit du deinen Fuß nit etwa verletzest an einem ſtein.

In

des Bösen feinds.

In anlegung diser wort / jr andächtigen / will ich meinen gewonlichen brauch halten / vnd meinem aygnen kopff oder verstand hierinn nit volgen / (Dann ich als ain mensch / vnd ain junger / vnerfarner / vngelehrter mensch / gar leichtlich künde betrogē werden) sonder will solche wort / den fůrtreffenlichen Lehrer Vincentium Lirinens^{Vincentius Lirinensis} sem, so zů der zeyt des Nicenischen Concilij / das ist vngesährlich vor tausent vnd dreyhundert Jahren gelebt / lassen auflegen / Derselbig Vincentius Lirinensis, legt solche wort inn seinem Büchlein De Catholicæ fidei unitate & antiquitate, also auf wie volgt.

Was solte diser Böser feind dem menschen nit thůn / spricht er / wölcher auch den Herrn aller Mayestat vnnnd Herligkait / mit der schrift hat dürfen antasten vnnnd angreifen: Bist du Gottes Son / spricht Er zů ihm / so laß dich herab: Warum? scriptum est enim: dann es stehet geschrieben. Vnnnd dise Lehr sollen wir wol merken vnnnd fleissig behalten / darmit wir durch dises groß / ansehenlich vnd Euangelisch exempel erinnert werden / wann wir ettlich / die Prophetischen / vnd Apostolischen schriften / wider den Catholischen Glauben / einführen hören / das bey vns / gang vnnnd gar kein zweyffel sey / dann das der Teuffel selber durch ihren Mund
G rede /

Die ander Versuchung

rede / Dann wiedazūmal Caput capiti, das ist ein haupt zū dem andern haupt geredt / also reden auch noch auff disen heütigen tag die Glyder wider der einander. Die glyder des Teiffels wider die glyder Christi / die Vnglaubigē wider die Glaubigen / die Vngöttlichen wider die Heiligen / vnd das Ichs mit ainem wort sag / die Ketzer wider die Catholischen Christen.

Nun was sagt Er doch hindennach? Si filius Dei es mitte te deorsum, so du Gottes Sun bist / so laß dich überab. Als wolt er sprechen / du wilt ja Gottes Sun sein / vnd vermainst das Erbtail des Reichs der himel zū empfangen / wa dem also ist / so laß dich herab / du stehest da in der höhe / zū einem schein zūm obristē in der Kirchen / die auch ein Tempel Gottes geachtet wirdt / von derselbigen Kirchen / Lehr vnd Satzung laß dich herunder / sunder dich darvon ab / bleib nit darbey.

Vnd wann dann einer ein Ketzer / der vns solches überreden will / fraget / wie bewärest du solches / oder warmit wilt du mich überreden / das ich der allgemainen / überalreichenden Kirchen / einigen / alten / vnnnd waren glauben / soll faren lassen? Da wirdt er dir von stundan zū antwort geben / scriptum est enim, dann es stehet geschriben / vnd darneben auch vnuerzogenlich tausent Sprüch / tausent Exempel / tausent zeügnussen herauß

des Bösen feinds.

heraus schütlen / auß dem Gesätz / auß den Psalmen / von Aposteln vnnnd auß den Propheten / durch wölliche sprüch / wann sie vnrecht verstanden vnnnd aufgelegt seind / die arme seel / auß der Christenlichen Kirchen / inn abgrund der Ketzerrey gestürzt werde.

Über das so betrügen die Ketzer oder Rottensführer / wunderbarlicher art / den gütten ansätzigen Menschen / durch etliche sonderlich verhaissungen vnd grosse vertroöstungen / Da dörfen sie sich betrümen vnd verhaissen / wie das bey ihnen / in irer Kirchen / das ist in ihren schlieffwinckeln / sey ein sonder grosse vnnnd eigentliche gegenwürt Göttlicher genad vnd beystandts / vnd dasselbig also reichlich vnd der massen / das die ihenigen / so ihren Secten zugefallen / on alle müh vnd arbeit / ohn ainiges züthün / ob sie gleich nit bettetten / nit süchten / nit anklöpffeten / dannocht inn Engelischen händen getragen vnd durch Engelischen schutz bewart werden / darmit sie nit etwa ihre füß / an einem stain verletzten.

Dise wort so ich yezunder / nach einander geredt / hat der gemelt Vincentius Lirinensis von diesem anderen kampf Christi des Herzen / mit dem laydigen Sathan / geschriben. Gedunckt Wüch aber nit (Ihr geliebten inn dem Herzen) Wiewo! er von den Ketzeren seiner zeyt redet /

G ij Er habe

Die ander versüchung

Er habe doch nichts desto weniger vnser yetzige new Euangelische Predicantē hubſch lustig vnd eigentlich / das mans nur gar zu wol erkennen kan/ abgemalet vnd abconterſehet/ Iha gewiſſlich/ ihr geliebten in Christo dem Herrn/ Dann/ wann wir der sachen lang nach gedenccken / so treibt der laydig Sathan durch seine Apostel/ die new Euangelischen Predicanten/ nichts häſtiger noch einbſiger/ dann dz die menschen dahin beredt werden sollen/ daß sie sich überab lassen/ das ist/ das sie fallen lassen die lehr vñ ſatzungen/ die haltung vñ brauch vnser ainigē/ Chriſtlichē/ vnd allgemainen Kirchen/ wölche Christus der Herr selber nennet Ciuitatē ſupra montem poſitam. Das ist/ ein Statt auff einem hohen berg gelegen.

Math. 5.

Wann dann ſolches dem laydigen Teuffel/ vñnd ſeinen zügethonen glydern/ inn ainem thāt gerathen / das die Kirch mit ihrer lehr vñnd ſatzung bey den leuten nit vil mehr gilt / da schreyt er dann Ju/ vñnd frolocket/ dann er hat ain gewunnes ſpil: So lang vñnd vil aber ain mensch sich nit begibt auff diſer hohen Stat/ der ainigen waren/ Chriſtlichen vnd allgemainen Kirchen/ ob ihn gleich der böſe feind beſteiglich vnd hertiglich ſtürmet / so erhellt er dannoch nichts an dem ſelbigen Menschen/ ſeine ſchanzung vnd ſtürmūg ſeind alle mit einander vergebens/ verloren

des Bösen feinde.

loren vnnnd vmbsonst. Also bald sich aber nur
ainer vberab last / vnnnd begibt sich auß diser
statt / so bald er nur mit ainem fuß auß disem
Pferdich / auß disem Schaffstal tritt / vn̄ sündert
sich ab von gemainer herd. Ey da ist jm also bald
der Wolff auff dem hals vnd zerzeißt in.

Derhalben jr geliebten in Christo dem Herren /
so bemüht sich der Böse feind dermassen / vnnnd
wendet allē m̄glichen fleiß für / das er die Leüt
dahinn beweg vnd bring / Das sie sich vberab
lassen: Das sie abtreten von der lehr / von den
satzungen vnnnd gütten löblichen ordnungen der
Christenlichen Kirchen / dieselbigen gar gering
oder gar für nicht halten / das ain jedtlicher sein
aigen thūn / sein aigen sinn vnnnd mainung / oder
gleich sonst aines andern ainigen menschen sinn
vn̄ mainung / mer vnd höher achte vn̄ halte / we-
der den s̄n vnd einhellige / gleichlauttende mai-
nung / der ganzen allgemainen Christenlichen
Kirchen / wölcher doch von Christo dem Herren
selber / so offtermals der heilig Geist / 8 geist der
warhait / versprochen vnd verhaissen ist. Joh. 15. 16

Das aber den Bösen feind / solch sein fürha-
ben / desto statlicher vn̄ schleiniger von statt geh /
So mangelt es jm auch nit an der schrift / durch
wölche er die leüt zūm abfall bringe. Dann er
spricht: Scriptū est enim, dz ist. Es steht geschriben.

Die ander versuchung

Esch. 20.

Matth. 15.

In praeceptis patrum uestrorum nolite incedere: Ihr sollent nit herein gehn in dē gebotten Ewer Väter / Sollent auch ihr vrthail nit halten: Er spricht widerumb. Scriptum est enim. Es steht geschrieben / sine causa me colunt docentes doctrinas et mandata hominum, vergebenlich dienen sie mir / vnd lehren der menschen lehr: vnnnd gebott.

Wañ es dan nur dem bösen feind gerathen / dz er nit mer als nur inn einem ainigen stücklen / den menschen vberredt / sich vberab zū lassen / so hat er denselben Menschen schon inn seinen gewalt genommen / vnnnd geht on alle müh mit im immer zū fort / das derselbig mensch von tag zū tag wie lenger ye mehr / sich vberab leßt. Schätzt ye ains nach dem andern schlecht vnnnd gering / was die Kirch thut halten / vnnnd brauchen / vnd kan alßdann so kein seltsame / wunderbarliche lehr nit erfunden werden / die ain solcher mensch nit für das Euangelium vnnnd das wort Gottes anhemme.

Diser vrsachen halber / jr geliebten in Christo dem Herrn / besleißt vnnnd bemüht sich der laidig Sathan / durch seine trewe diener / so starr / so fleissig / so empfig / das er die Zeit dahinn bringe vnnnd vberrede / das sie sich vberab lassen: Das sie den sün vnd ainigung der gantzen Christlichen / allgemainen Kirchen für nicht halten /
sonder

des Bösen Feinds.

sonst warin sie die Kirchenordnung vñ satzung
hat gegeben / das demselbigen stracks werde zu
wider gefaren vnd gethon. In summa das sucht
Er / das begert Er allain / darnach ist all sein
müh vñnd arbeit gerichtet / uthomines mittant se
deorsum / das sich die menschen vberab lassen:
d3 ist / d3 sie sich von der gemainen Kirchen ab
sündern / das sie nur frisch vñnd frölich der Kir
chenordnung vñnd satzungen zu wider handeln
vñnd thün: daß / wa die Kirchen etwas gesetzt /
geordnet vñnd gebotten / da sollen sie nur der
Kirchen zu trug vñnd spot / das widerspil thün:
darumb allein ist es dem Bösen feind zu thün /
in der warhait / vñnd sonst nyrgendte vmb an
derst.

Vñnd darmit nit yrgent ainer möchte gedens
cken / Ich redte solches auß feindschafft / so Ich
sonst trüge gegen den Secten / will ich ain exem
pel oder zway geben.

Nach dem die Christlich Catholisch Kirch /
für vnser hail sorgfellig / auß vilen / hohen / billi
chen / ehehafften vñnd beweglichen vrsachen / den
Layen das Sacrament / des Leybs vñnd Bluts
Christi des Herin / vnder ainer gestalt zu raichen
pfleget / So faren die new Euangelischen zu /
vñnd wollen es / nur der Kirchen ordnung zu
wider / vnder beyderlay gestalt haben / Also
das /

Sacrament
des Altars
vnder ainer
Gestalt.

Die ander versuchung

das/wer es anderst neme / als vnder bayderlay
gestalt / der empfahe es vnrecht / im sahl aber /
wannes nur ain Concilium widerum für gut an-
sehen wurde / das man hochgedachtes Sacra-
ment vnder bayderlay gestalt raychen solte / so
wolten sie/demselbigen Concilio zü trutz / aint-
weß nur ain Gestalt oder gar keine gebrauchen.
Mainsst du / ich thü villeicht den sachen zü vil / so
hör / was Luther selber hienon gehalten / vnd ge-
schriben im Büchlin de formula Missæ.

Luthe.
de formula
Missæ.

Im fall/wann ain Concilium ordnet oder setzet / schreibe
beter / das bayde Gestalt des Sacraments durch auß ge-
geben vnnnd genommen solten werden / so wolten wir nit
bayde gestalten brauchen / ja da wolten wir erst züm trutz
vnd spot des Concilij / nur ainer Gestalt oder gar keine ge-
brauchen / mit nichten aber wolten wir bayde nemen vnnnd
genießen / iha wir wolten auch die ihenigen für verbanite /
halten vnnnd scherzen / welche von wegen des Concilij brau-
chen oder nüßten bayderlay Gestalt.

Hört aber Ewer Lieb nit / auß erzöltē wortē /
das der Böse feind mit diser Disputation / von
den Gestalten / im grundt anderst nichts süchet
als allein das / ut mittamus nos deorsum, das ist /
das wir vnns vberab lassen. Das wir vnns von
dem ainhälligen gebrauch der gangzen allgemai-
nen Kirchen absunderen / dann in der warhait /
so ist

des Bösen feinds.

so ist es dem Bösen feind nit darumb zu thun/
ob man das Nachtmal vnder ainerlay oder bay-
derlay gestalten genieße / Er waist wol das es
der Seligkait nichts geben oder nemen kan / es
nyesse der Lay den Kelch oder nyesse ihn nit: Er
waist wol das auff dem nächst gehaltenen Concilio Concilium
Basiliense,
Sess. one 30. zu Basel / von der ain gestalt recht vnd wol ist
beschlossen worde / Vñ der Chrißtglaubig nieße
das hochwürdigst Sacrament des Altars vn-
der bayderlay gestalt / oder nur vnder ainerlay
gestalt / Allain wa es geschicht nach ordnung/
haltung / vnd gemainem brauch der Chrißtlichen
Kirchen / so nutze es demselbigen menschen / wann
Er würdiglich / mit fleißiger vorberaytung sei-
nes Gewissens hinzü gehet / zu der Seligkayt:
Das / sag Ich / waist der Böse feind gar wol /
Es verdreüßt ihn auch nicht / das die Chrißten
empfangen das haylsambst Sacrament vnder
ainer gestalt allain / Er begert auch nit / das
die bayde gestalt werden empfangen / Allain
das verdreüßt ihn am aller üblesten / den laydi-
gen Teüffel / das die empfangung des haylig-
sten Sacraments / geschicht vnd gehalten wirdt
allenthalben gleichförmig / vnd auff ain weys / in
ainigkait der allgemainen Chrißtlichen Kirchen:
Das ist / das Er nit leyden mag / denn er waist
wol / daß das Sacrament nichts helfen oder
h nutzen

Die ander verſüchung

nugen kan / man nemme es dann auff ſolliche weyß.

Derhalben bemühet er ſich alſo hefftig/das die ſagung / die weyß vnnd ordnung / der Kirchen nit alſo gehalten werden: Er iſt in ſumma/ vnd wirdt genant Sathanas, das iſt auff Teütsch/ ein Widerſächer / das will Er auch bleiben: ein Widerſacher Chriſti vnſers Haupt/ vnd ſeines Leybs / der Kirchen: Was dieſelbig ſetzt/ was ſie ordnet / vnnd hellt/ da will Er alle zeyt das widerſpil haben / Kaycht man das Sacrament vnder einerlay Geſtalt / ſo will Er es vnder beyderlay haben/ Kaycht mans vnder beyderlay Geſtalt/ ſo will er es vnder einer / oder gar vnder keiner haben.

Eben alſo thüt Er ihm auch mit der Faſten/ Wir / ſo durch die Genad Gottes Catholiſche Chriſten ſeind/ vnd genant werden/ haben diſen löblichen brauch / von vnſern lieben Eltern ſelig gen empfangen vnd gelehnet/ Das/ wann ſich nun die zeyt herzü nahet / das man anſicht/ das Leyden vnnd Sterben Chriſti/ durch wölches wir Erlöſet ſein worden / zü betrachten / Das man ſich vierzig ganzer Tag züvor mit Betten/ Faſten/ vnnd anderen Gottſeligen wercken / zü ſolcher betrachtung rüſten/ vnnd gleichſam geſchickt vnd taugenlich machen ſolle: Dann es ye
an

Vierzig
tägig faſten
der Catholis
ſchen.

des Bösen freunds.

an im selber recht vnd billich / das wir gleichsam
als mitgesellen sein im Leyde Christi / dieweil wir
auch seine gesellen sein wollen / inn der tröstung /
die wir empfangen werden / wann wir mit im auff-
erstehn / vnd gen Himmel faren werden / dann wie
Paulus schreibt. Wann wir mit ihm gestorben 2. Tim. 2.
seind / so werden wir auch mit im leben / wir müß Röm. 8.
sen mit ihm leyden / wollen wir mit Christo herr-
lich gemacht werden. Dann wie wir geschriben Luc. 24.
lesen / Christus hat selber zuvor müssen leyden /
vnd also in sein Herzigkeit eingehn : Nun wirdt
aber gerecht von einem gesagt / das Er mit Chri-
sto dem Herrn gleichsam leyde vnd sterbe / wann
Er von seinen sünden abgelassen / darmit Er
hinsüro nit mehr nach den menschlichen gelüsten /
sonder nach Gottes willen / das überig thail sei- 1. Pet. 2.
nes lebens hinauf füren möchte. Solches aber zu
volbringen / wirdt der mensch immerzu von sei-
nem fleisch verhindert / wölches häßtig wider
den Geist streitet / also auch / das / wie sich Pau- Gal. 5.
lus selber anklagt / wir / was wir wollen / nit
thun / noch volbringen.

Derhalb so muß das fleisch gezämet werden /
mit abhaltung vnd nüchternkeit / damit es sampt
seinen anhangende gebrächen vn gelüsten / desto
leichter möge gecreüniget werden. Dann gleich-
sam als wie man etwa einem ungezaumen wil-

Die ander versuchung

den Pferdt/das seinem Keyter vngehorsam ist/
vnd ihm den zaum nimbt/das fütter entzieht/
gibt jm an stat des Habern/etwa ein vngeschnitt
ten stro / oder ein wenig heros: Also muß man
auch vnserm aignen fleisch / wölches auß krafft
der innerlichen gaistern vnd geblüts/auch von
wegen des natürlichen safts überflus/dem gaist
sich zuwider stelt/sein nahrung entziehen/ vnd an
stat gewonlicher vnderhaltung/ein andere speiß
fürsetzen / damit es angehalten werde dem hero
gen vñ vernunft/als seinem Keyter / desto we
niger zu widerstreben: Das/wañ der leib solcher
gestalt gezüchtiger/vnd inn gehorsam gebracht
ist/das innerlich hertz des menschen desto kräf
tiger sein/desto freyer Göttlichem lob außwar
ten/vnd etwas leichter dem willen Gottes ge
horchen künde.

2. Cor. 4. Dañ wie auch Paulus zum thail zeüget/Da ist
ganz vnd gar kein zweiffel an/wañ vnser eüsser
licher mensch abnimbt vnd zerfellt/so wirdt ge
wislich der innerlich mensch ye lenger ye mehr/
von tag zu tag ernewert/vnd ye mehr vnd hefti
ger das eüsserlich thail an vns/nemblich der leib
mit täglichem arbeiten vnd fasten eingezogen
wirdt/ye mehr wirt das innerlich vnd beste thail
an dem Menschen/nemblich die Seel / auß des
leibs seines beschwerlichen feinds abnehmen/
an jr

des Bösen feinds.

an jr selber zünemmen / wirdt auch krefftiger vñ
fertiger mit Gott zū handlen / vñ seines willens
zū geleben.

Auf diser vsachen jr geliebten in Christo dem
Herrn / hat die Catholisch Kirch / vnser getrewe
liebe Mütter / die vierzig tägig Fasten eingesetzt
vñ verordnet / darmit wir von fleischlichen las
tern / wölche vns sonst immerzū im weg ligen /
gestreyet / desto baß der betrachtungen der wol
thaten / so vns Christus der Herz / durch sein
Creüz vñ leiden erzaigt vñ bewisen / aufwar
ten künden. Ist aber solches nit recht? Ist es nit
Euangelisch / Göttlich / löblich / nuzlich? Noch
sarend die New euangelischen Predicanten zū /
verspotten / verwerffen / verachten solche fastē.
Warumb thūn sie aber das? Nirgendt vmb au
darft / als das sie die leüt / so von natur vñ für
sich selber zūm fleisch fressen genaigt / mit disem
ainzigen stuck dahin bringen: Das sie sich herab
stürzen / das ist / das sie sich dem brauch anderer
Christen / so auff der braitē weiten welt / hin vñ
wider wonen / hierin vngemeß haltē: Allain da
rum vñ sonst nirgent vñ anderst / ist es den Teü
fels Prophete zūthūn / vñ darmit hierin ganz vñ
gar kein zweiffel nit sey / muß ich gleich des Lu
thers wort selber hienon anzaigē / der schreibt nur
im andern thail seiner bücher / wiß die himlische

Die ander versückung

Luther im
andern teil
wider die hi-
melischen
Propbeten
vom Sacra-
ment.

Prophetē vom Sacrament nachfolgende wort/
Wan dir verbotten wirdt fleisch zū essen auff ein
fischtag/so müstu es essen/wann diers auff einen
fleischtag gebotten wirt/müstu es nit essen/wan
dir die Ehe verbottē wirt/müstu ehelich werdē/
„oß ja also stellen/als thetestu es gern/vñ so fort.
„Hört vñ Gottes willen jr geliebte in Christo dē
Herin/auf des Luthers zeugnuß selber / was
rumb es den new Euangelischen Predicanten zū-
thun ist/wan sie wider die vierzig tägig Fasten
der Christglaubigen schreyen vnd Predigen: An-
derst süchen/anderst begeren sie nichts darmit /
als was der Teuffel heit an Christum den Herin
vñser haust/begert hat. Nemlich dz wir vnns
sollen herab stürzen/dz ist/ absünderen von der
Kirchen Gottes/vund darmit sie solches desto
ehe vñ leichter künden zū wege bringen/sagen sie
eben so wol/als der Teuffel zū Christo dē Herin/
also sie zū vns: Scriptum est enim. Dañ es steht ge-
schribē/in dem heütigen Euangelio/dz Christus
für vns gefastet hab/was sollen wir vns dañ vil
vergebenlich hierin bemühe/dieweil es vns doch
vnmüglich ihme solches nach zūthun.

Matth. 17.

Es steht geschriben/Ja Christus der Herr/so
die warheit ist/hat es selber gesprochen / die Kin-
der Gottes sein frey/was wolt vns dann der nót
angehen/das wir vns selber mit fasten/vnd der-
gleichen

des Bösen feinds.

gleichen sachen/widerumb willigklich ain Joch auff unsern eygenn Hals wolten legen/darvon Acto. 13.
wir vorlengst durch Christum den Herrn erlöset worden seind.

Es steht geschriben/Non quod intrat in os coinquinat hominem &c. Was zum mund eingeht das verunreyniget de menschen nit/sonder was zum Mund außgehet/das verunreyniget den Menschen. Warumb wolten wir dann schenckens tragen/die ihenigen speysen/so da an jnen selber gut vnd reyn/zü genießsen. Math. 15.

Es steht widerumb geschriben/die Kinder des Breütigams künden nit fasten/dieweil sie den Gespons bey jnen haben. Vnd bey dem heiligen Paulo lesen wir/aufdruckentlich/das er es nennt 1. Tim. 4.
net doctrinas Daemoniorum, das ist Teuffels lehren/die Speys verbieten.

Ja sie seind nit züfriden/das sie immerzū nur schreyen/Da steht es geschriben/dort steht es geschriben/sonder wie der Böß seind heüt zū Christo dem Herrn spricht/Er solle sich nur vber den Pinnackel des Tempels hinab stürzen/dañ Got habe schon seinen Englen befolhen/dz sie ihn inn händen sollend tragen: Gerad also thünd ihm die new Euangelischen Predicanten auch/die sich vnderstehn die leüt zū vberreden/das sie sich von dem Tempel hinnab stürzen/das ist von der

Die ander Verſuchung

der Chriſtenlichen Kirchen abſündern ſollen / da
vberreden ſie frey die Leut dahin vnnnd dahin /
wann nur ainer jren newerdachten Glauben
annemmen vnnnd habe / wann er ſchon nit allein
kein güt Werk gethon hab / ſonder auch inn als
lerlay Sünd vnnnd Laſter / biß vber die Ohren
ſteck / ſo ſey er doch vergwißt vnnnd verſichert /
das die Gnaden Gottes bey ihm ſey / ſha es wer
de ſich auch weyter zů tragen / das die Engel
werden kommen / vnnnd ainen ſolchen menſchen /
auf jren händen tragen / vnnnd gehn Himel auff
führen / das er mit dem wenigſten nit ettwā ſei
nen Fuß verlege / Vt iubet nos certò ſtatuerē hęc
uox: Beati mortui qui in Domino moriuntur. Dann
diſen Spruch pflegen ſie auff alle die ihenigen zů
zyehen / ſo nur auff der Bekandnuß jhres Glau
bens geſtorben / Gott geb / wer ſie ſonſt gewes
ſen.

Aber du lieber Herr Gott / es iſt anders nichts
als nur ein Verſuchung des laydigen Sathans:
Es ſollendt auch die Rechtglaubigen / nit alſo
leichtfertig ſein / das ſie von ſtunden an anneh
men / was einer für ein newe Lehr her für bringt /
vnnnd vnder dem herrlichen Namen vnnnd Tittel
des Euangelij außgibt / darmit vns nit ettwā
auch möchte geſagt werden / was ettwā der
Paulus zů den Gallatern geſchriben. Miror quod
ſic tam

Apoc. 14.

Galla. 1.

des Bösen freinds.

sic tam cito transferimini in aliud Euangelium &c.,,
Mich wundert das ihr euch so bald abwenden,,
last / von dem / der euch berufft hat / zur Gnad,,
Christi / auff ein ander Euangelium / wölches,,
doch kein anders ist / allain / das etliche seind /,,
die euch verwürren / vnd wollen das Euangelii,,
um verközen.

Dañ in der warhait / Ihr andächtigen / Es ist
nit alle zeyt das Euangelium / was man für das
Euangelium aufgibt / es ist nit alle zeyt das
wort Gottes / was man dafür rümpft. Wie
dann nur Christus der Herr / inn dem heüttigen
Euangelio / da ihn der Teüffel / durch die schrifft
wolte überreden / das er sich von dem Pinnakel
des Tempels hinnab stürzet / dem Bösen seynd
zur antwort geben / Es steht widerumb geschriben Deut. 6.
ben / Du solt Gott deinen Herzen nit versuchen:
Also sollend wir ihm auch thun / wann der böß
seynd durch die Predicanten von vnns begert /
wir solten vnns von dem Tempel herab stür-
zen / das ist / von der allgemaynen Christlichen
Kirchen / inn ainem oder mehrern stucken ab-
sündern / da sollend wir nit anderst gedencken /
dann das solches geschehe zu vnser verführung /
ob wir bey der erkantten Euangelischen war-
hayt / so allain inn der Catholischen Kirchen /
vnd sonst nyrgent gelehrt werden mag / bestendig
I wollen

Die ander versüchung

wöllen bleiben oder nit/Sollen derhalben auch/
als wie Christus der Herz heüt zu dem Bösen
seynd/also auch wir zu seinen Botten/den bösen
Predicanten/sprechen. Es stehet wol geschriben/
was du sagst/die selbige wort sind ich wol also/
aber weyt in einem andern sinn/weyt in einer an-
dern meynung vund verstand/als wie du es für-
bringst.

Christi Fas-
ten.

Es steht wol geschriben/jha in dem heütigen
Euangelio ist es außstruckenlich / das Christus
der Herz vierzig ganzer tag an einander gefastet
hab/Lieber folgt aber drumh darauß / das wir
nit Fasten sollen: das wär mir die wunderbarlis-
chest consequentz/so Ich mein lebenlang nye ge-
hört hette: wann es also gilt argumentieren vnd
schliessen / so kündt auch einer sagen/Christus
hat für vns gebetten/vnnd wie Paulus von ihm
zeugt/ Exauditur est pro sui reuerentia. Das ist/ er
ist auch/wie seinen ehren wol gezümpft hat/erhört
worden/darumb so sollent wir nit mehr bitten:
Christus hat für vns gelitten/darumb sollent
wir nit leyden: Christus hat für vns das Gesetz
erfüllet / darumb so sollent wir vnns nit be-
fleyssen nach vnserem besten vermügen / vnser
Leben auch nach dem Gesetz vund gebotten
Gottes anzurichten: Inn summa / Christus
hat es alles gethon/Darumb so dürffen wir gar
nichts

Heb. 5.

1. Pet. 5.

des Bösen feinds.

nichts mehr thun: Es verstehet aber ein yeder
weder/der nur seine fünff sün hat/gar wol/das
sich solches nit reimen will. Ja das widerspil das
folget wol eh darauff/Nemblich/dieweil Chri-
stus solche ding gethon hat/das wir der gleichen
auch thun sollen/wie dan eben Christus der Herr
selber also argumentiert/dort bey seiner süßwa-
schung/vnd spricht/Ein Exempel hab ich euch Johann. 13.
gegeben/wie Ich gethon hab/das ihr auch also
thun sollent.

Es stehet auch wol geschriben/das ein Chri- Gall. 4.
Christlich
freyhau.
sten mensch frey ist/das im aber darumb alles zu
thun erlaubt sey/was seinem hertzen gelust vnd
geliebt/das er darumb alle satzungen verachten/
alle löbliche breüch vnd gütte Pollicey/mit füß-
sen treten müge/das folget gewißlich nit dar-
auff:vnd wölcher auch solches thut/der waist
noch nit was Christliche freyhait ist/dan diesel-
big stehet mehr im geist/dan in eüsserlichen din-
gen: Iha ein Christen mensch ist ihm selber gleich
wol frey/macht sich aber auf der lieb zu yeder-
mans knecht/wie auch Paulus thet/Ein rechter
Christ bedarff auch für sich selber kaines Gesatz/
dz in treibe/helt aber selber alle gesatz auf Liebe. 1. Cor. 9.
1. Tim. 6.

Dis ist kurzlich die meynung der schrifft/wan
sie von der freyhait der Christen menschen redet.
Vnd eben also redt auch Christus der Herr

I ij selber

Die ander versuchung

Matth. 17. selber darvon / da Er dort spricht / Die Kinder
seind wol frey / darmit wir aber nit ergernus ge-
ben / so gehe hin vnd gib den zoll.
Matth. 15.

Es steht auch wol geschriben / was zum mund
eingehe / das verunreiniget den menschen nit. 2c.
Die speiß
rein. Aber nit in dem verstand / dz darun der mensch /
zu yeder zeit / on allen vnderscheid / allerlay speiß
durch ainander niessen solle vnd müsse. Dann ob
gleichwol die speiß an ihz selber nit vnrein / ob sie
1. Tim. 4. wol recht vnd gut / dan wie Paulus schreibt / Ain
yedtliche Creatur Gottes ist gut vn̄ nit verwerf-
lich / das mit dancksagung empfangen wirt / So
kan vn̄ mag doch in nießung der selbigen speiß gar
wol gesündiget werden / wann man sie aintweder
nimbt / anderst weder sie von Gott eingesetzt
worden / dz ist vn̄messigklich / wider die lehre Chri-
sti: Hätten euch das ewere hertzen nit beschwärt
Luc 21. werden mit fressen vnn̄d trunckenheit: Es kan
auch hierinn gesündiget werden / wann man sie
neißt / wann sie auß vsachen verbotten ist.

Also verbeüt Gott vnseren ersten Elteren /
Gen. 3. Adam vnn̄d Eua / das sie nit sollen essen / von
der frucht des Baums wissens gut oder böf:
Leuit. 3. 11. Also verbeüt auch Gott im Alten Testa-
14 17 19. 22. ment sonst etliche speisen / nit das sie an ihnen
Gen. 9. selbs böf oder schädlich wären / sonder von
wegen etwa ainer sondern bedeutung vnn̄d ge-
haimnus.

des Bösen feinds.

geheimnuß. Also verbeüt auch die Kirch Gottes am Mütter aller glaubigen/nach gelegenheit der zeit/etliche speyß/vnser müßwilligs fleisch zû zâmen vnd zûzüchtigen: Mit das fleisch / oder fleisch essen an ihm selber böß oder vnrecht seye/sonder auß vrsachen/ die ich zûm tail oben erzelt hab. Der heilig Lehrer Augustinus/wöllichen Luther selber nennet/ Ain lehrer vber alle lehrer/ desgleichen die Kirch / seid der Apostel zeit / nit gehabt/der schreibt eben also auch darvon/Catholici abstinent à carnibus, Et quibusdam alijs cibis edomandi corporis causa, propter animam ab irrationalibus motibus amplius humiltandam, nō quod illa esse immunda credant &c. Das ist auff Teütsch. Die Catholischen enthalten sich vom flaisch / vnnd sonst von etlichen andern speisen / das sie den leib desto besser zwingen/vnnd jr gemüß von den vnuernünfftigen bewegungen desto mer des müßigen künden/ Mit dz sie es für vnrein halten.

Ist derhalben im Bapsttum nie gehalten noch geglaubt worden/dz flaisch essen an ihm selber vnrecht/dz flaisch vnrein sey/das es den menschen beflecke/sonder dieweiles sonst auß andern grossen vn bewegliche vrsachē/die kirchen Gottes für gült angesehen / sich diser speiß zû etlichen zeitē zûenthaltē / so hat man/in dē flaisch freßern nichts anders als dē vngehorsam/die spaltung/

Emhaltung
vom fleisch/
zû etlichen
zeiten.

Augustinus
contra Fau-
stum lib. 30.
cap. 5.

Luther in
der trost-
schafft/für
die wider
wöllichen
vngerad-
gangen ist
mit Binde-
gehung.

Die ander verfluchung

die absündering / die mütterwillige rebellion ge-
strafft / das sie sich also freuendlicher weis / der or-
denlichen Obrigkeit widersetzt / vñ sich von an-
dern Christen abgesündert / vñnd on notwendige
vrsachen etwas besonders anrichten wollen.

Concilium
Anchyrae
num. ca. 14.

Mainstu villeicht wir wölle sonst jezo die sa-
chen also verstreichen / Es habe bey den alten
Papisten weit ain andere mainung gehabt / So
besiche dz Concilium Anchyrarum, das noch vor
dem Nicensischē / dz ist / da man nach Christi ge-
burt gezelt hat 308. ist gehalten worden / da
wirstu dise wort ausdruckenlich finden. Quia

Concilium
Toletanum
primum
cap. 21.

carnibus abstinent, nō eas tanquam immundas con-
temnant. Die sich vom fleisch enthalten / die sol-
len es drum nit verachten / als ob es vnrein wer.
Besich widerum das erst Toletanum Concilium,
so wider den Ketzer Priscillianum, der das fleisch
als vnrein verworffen / gehalten worden / da
wirstu nachuolgende wort finden / Si quis dixerit
carnes auiū seu pecudū, quae ad escam datae sunt, exes-
crandas, anathema sit, das ist auff Teütsch / wann
einer saget / das das fleisch der vōgel oder thier /
wölches zur speys gegeben ist zūnerfluchen sey /
der sey im Bann : Dergleichen habend nit allain
ye vñd allwegen alle heilige Concilia, so da seindt
neulich vñnd vorlengst gehalten worden / be-
schlossen / Sonder auch alle fromme heilige vñd
Gott

des Bösen feinds.

Gottsfälige Väter der Kirchen/der hailig Berno-
hardus/ so erst ongefärlich bey dreyhundert Jarē
gelebt vnd geschriben/ auch alle Scolastici Doctoz
res, Thomas de Aquino, Albertus Magnus, Bonas-
uentura, Gabriel Biel, vñ ire nachkomende Discipuli
daruon gehalten/ gelehrt/ vñnd geschriben: Das
kainer mainen darff/ man habe das fleisch als
vnreyn im Babstumb verbotten vñnd verworff-
fen/ oder gelehrt/ das Fleisch essen an ihm selber
vnrecht sey/ sonder es hat weyt ein andere mai-
nung darmit/ wie gehört.

Es steht auch wol geschriben/ das Christus ^{Math. 9}
der Herz selber seine Jünger des Fastens halber
verthädiget hat/ wider die Phariseer/ vñnd ge-
sagt/ Es künden des Bräutigams Kinder mit Fasten ^{Fasten der}
den/dieweil er bey ihnen ist/ Er sagt aber eben ^{Jünger}
an demselbigen ort stracks darauff: Es wirdt die ^{Christi.}
zeyt kommen/das der Bräutigam von ihnen ge-
nommen wirdt/ vñnd dann werden sie Fasten/
Wie sie dann auch nach der Himmelfart Christi
gefast/ vñnd alle Christglaubigen darauff ge-
weisen haben: Als wir lesen inn Geschicht der ^{Acto. 17.}
Apostel/ Da nun dise dem Herin dienten vñ Fasten ^{vñnd 14.}
steten/sprach der heilig Geist zu ihnen 2c. Vñnd
widerumb: Vñnd da sie inn allen Kirchen Prie-
ster verordnet hetten/ mit Betten vñnd mit Fasten.

Es

Die ander versüchung

Verbiendung
etlicher
Speyß.
1. Tim. 4.
Aug. cōtra
Adamantiū
cap. 14.

Timoth. 1.

Luc. 8.

Es steht auch wol geschrieben bey dem haili-
gen Paulo / das ers doctrinas Dæmoniorum, das
ist / Teüßfels lehren nennet / die Speysen vers
bieten / Aber doch wieder hailig lehrer Augus-
tinus, mit allen andern Gottseeligen Vättern
der Kirchen / den Apostel auflegt / So ver-
steht er mit dem selbigen worten die ihenigen /
Qui non propterea temperant à cibis talibus, ut aut
concupiscentiam suam refrenent, aut infirmitati alie-
rius parcant, sed quia ipsas carnes immundas putant,
& earum creatorem Deum esse negant: Nos autem
teneamus Apostolicam disciplinam, dicentem, quod
omnia munda sunt mundis, seruata moderatione
Euangelica, ut non grauentur corda nostra cruditas
te & uinolentia. Das ist auff Teütsch. Die iheni-
gen / die sich nit derhalben / von solchen Speys-
sen enthalten / das sie ihre Gelüß darmit einzie-
hen / oder eines andern schwachheit verscho-
nen / sonder darun / das sie das Flaisch an ihm
selbst für vnrein achten / vnd vernaynen das es
von Gott geschaffen sey. Wir wollen aber die
Apostolische zucht halten / der da spricht / den
raynen sey alles rein / da man die Euangelis-
sche mässigkeit haltet / das die Herzen nit er-
füllet werden / oder mit vberigem Essen vñnd
Trincken beschwärt.

• Diewel

des Bösen freunds.

Dieweil dann nun eben die Papistischen/das
ist/die rechte/alte/ Euangelischen vnd Catho-
lischen Christen / nit mehr/als nur ein gütte ord-
nung/die Speiß rechtg schaffen zů gemessen/an-
gericht/auch mit dem wenigsten nit/eben auff dis-
sen vnderschyd der Speysen gebawet oder eini-
gen trost gesetzet/sonder alles nur zů Gott vnnnd
zům Geist gerichtet/auch mit disem ganzem jrem
thūn vnd enthaltung/yeder zeyt/auff nichts an-
ders getrachtet/dan daß sie die zeyt/so inen zwis-
schen der arbeit überig ist/der betrachtung Göt-
licher wolthaten zůaigneten. Vñ also sie sich sel-
ber auch/nach demmung vnnnd demütigung ires
flaischs/wañ es der Vermunfft vnderworffen/
etwas demüttiger vnd williger macheten/dieseli-
bigen wolthaten Gottes/desto mehr zů beherz-
igen. Dieweil sag Ich/solches die Catholischen
yeder zeyt mit diser maßfigung vnd enthaltung/
nit allain vom flaisch/sonder auch sonst von an-
derer Speys vnd Trancck gemaint/ (wie es der
Teuffel vnd all sein anhang/wann er sich noch so
wild stellet/nymmermehr laugnen kan) Siehe so
kan der hailig Paulus mit angezognen worten/
sie die Catholischen nymmermehr gemaint ha-
ben. Dieweil er doch selber an einem andern ort/
spricht. Bonum est non manducare carnem. Rom. 14
güt nit flaisch essen. Sonder es hat der Apostel
K von

Die ander versüchung

von dem hailigen Geist getriben / weysgesagt /
von den Ketzeren / Tacianer, Marchianer, Cataphrygi,
Adamitæ, Manichæi, Adeloitæ, Eustachianer, Priscillianisten
genannt / wölche auch hernach Kommen / vnnd die Ehe / das
Fleisch / vnnd andere Speis mehr / als die da an ihm
selber vureyn wärendt / verdampft haben.

Die Catholischen aber haben solches nyemal
gethon / sonder ye vnd allwegen / die Ehe nit allein
für recht vnd haylig / als die da von dem allmächtigen
Gott selber in Paradyß eingefetzt / vnnd von Christo dem
Herren zu Cana inn Galilea / mit seiner aller hayligsten
gegenwärt verehret vnnd bestättiget worden / Sonder auch
nach der lehr Pauli / für ein grosses Sacrament gehalten
/ wie dann diser Paulus auch anderst was sagt /
Honorable coniugium, & thorus immaculatus; Ein ehlich
ding ist die Ehe bey menigklich / darzu ein vnbesleckts
Beth: Aber doch so habend sie den Juncfrawenstand /
vnd Cælibatum, dem Ehestand fürgezogen / vñ vil höher
vnd würdiger gehalten: Fragst du wäher oder auß was
gevalt sie solches gethon haben / so hörd den hailigen
Paulum / das ausservölt Daß Gottes darvon reden.
Qui matrimonio iungit uirginem suam, bene facit,
& qui non iungit, melius facit, das ist / wölcher
sein Juncfraw verheirat / der thut wol / wölcher

Gen. 2.

Johan. 2.

Eph. 5.

1. Cor. 13.

1. Cor. 7.

des Bösen freunds.

cher sie aber nit verheurat der thut besser. Also
 auch haben die Papisten (wie sie die abtrünnigen
 pflegen zu nennen) kein Speiß nye veracht/keine
 verschmähet/keine nye als vnreyn verworffen/
 sonder haben nach der lehr Pauli/ein yede Creat^{1. Tim. 4.}
 tur Gottes für güt gehalten/dann wie Gott alle
 ding im anfang erschaffen hette/so sahe er sie sel-
 ber an/vnd warend fast güt/wie wir geschriben ^{Gen. 1.}
 lesen/Aber doch habent sie die Abstinenciam, die
 enthaltung/den abbruch/die mässigung/so doch
 geschicht in dem Herrn/nach der lehr Pauli/da
 er dort spricht. Qui non manducat, Domino non ^{Rom. 14.}
 manducat, Wölcher nit isset/der isset den Herrn
 nit/vil höher vnd würdiger gehalten: vñ solches
 von Christo dem Herrn selber gelehrt/wölcher/
 ober wol nit so gar außtruckentlich mit worten/
 yedoch mit dem Exempel seines vnschuldigsten/
 aller hailigsten lebens/gnügßam züuerstehn ge-
 ben/das ihm vil lieber vñ angenehmer/dem mens-
 schen aber zü seiner seligkeit fürderlicher/den leib
 durch stäte kастeyung im zaum zühalten/dann
 mit überigem Fleisch essen/vnd Weyn trincken/
 ihme zü der gaylhait wie lenger ye mehr helfen.

Der hailig Johannes der Teüßler/hat solli-
 ches sonder zweiffel wol gewist/darumb so hat
 Er auch ein so strenges leben/in stätem fasten/
 vnd mässigung seines leibs/füren wollen/das er ^{Matth. 11.}

Die ander verſüchung

mit allein allhie von Chriſto dem Herzen / vñnd
Hayland der gantzen welt / ein ſo ſtatlich / herr-
lich zeigtnuß bekommen möchte / das vnder al-
len denen ſo von den Weibern geboren ſeind / kei-
ner nit auffgeſtanden / der da gröſſer ſey / als
Marth. 11. Johannes der Tauffer / wölcher / wie Chriſtus
am ſelbigen ort von ihm redt / kommen iſt weder
eſſent noch trinckent / ſonder auch das er mit im /
des Vorlauffer er allhie geweſen / zu ewigen zey-
ten im Reich der Himel regieren möchte / So ent-
gegen nichts gewiſſers iſt / dann das fleiſch freſ-
ſen vñd andere dergleichen ſachen / den Papiſten
nur zu trutz treiben (wie es die new Euangelich
Practic yert mit ſich bringt) zum Reich der Him-
mel nit allain nichts dient / wie Paulus ſagt /
Rom. 14. Das reich Gottes iſt nit in eſſen vñ trincken / ſon-
der auch groſſe mächtige ſorg / es werde ſolchen
Trutzhaſen der güſel ein mal geligen / wann die-
ſer ſpruch wirt erſüllet werden / den Chriſtus der
Herr dort ſelber ſagt. Weh euch Reichen dann ihr
Luc. 6. habt ewren troſt / weh euch die ihr vol ſeyt / dann
euch wirt hungern. Wölches weh / das da iſt die
ewige verdammniß / wölle der allmächtig Gott
gnädigklich von vns allen abwenden.

Verſteht alſo Ewer Lieb vñ andacht / auß die-
ſen vñ andern eingefürten Exempeln / das es nit
darumb von ſtunden an dz wort Gottes iſt / wann
man

des Bösen feinds.

man etwo ein spruch auß der schrift einfürt. Dañ an wortê ligt es nit/sonder am verstand / Also/ das ob schon die wort/wie sie im text geschriben/ vnd nit anderst angezogen werden/ so kan dan noch wol ain verfürische lehr vnnnd Ketzerey dar hinder stecken/ Nit von des worts wegen/ sonder von wegen der auslegung / von wegen des siñs/ von wegen des verstands.

Ja wañ Ewer Lieb vnd andacht / ain kurzen Heilig
schrift am
Schafflaid
Matth. 7. Summarischen bericht der gantzen sachen haben will/ so ist eben die heilig schrift/ des Alten vnd Newen Testaments/ das Schafflaid/ daruon Christus der Hertz geredt hat / Das sich die falschen Propheten vnd reissenden Wölff darmit beklaiden / das man sie nit erkenne / das ist / das sie mit der schrift vnnnd angezognen sprüchen / auß dem Alten vñ Newen Testament / irer verfürischen lehr ain solliches ansehen machen / das auch kainer kain so Gottlose lehr immer erfinden oder erdencken kan/ er sind von stundan leüt/ die im anhangen/ wañ er allein kan sagê/ da steht es geschribê/ dort steht es geschribê/ Christus hats also gelehrt/ Paulus hats also gepredigt/ also vñ nie anderst findê wir es in dē Apostolischē geschriffte.

In der warhait / so kan doch ein falscher Prediger seiner lehr / nit ain bessere gestalt machen/ er kan auch die Leüt nit ehe vberreden/ das sie im

Die ander versuchung

glaubent / als wann er sie dahin bringt / dz sie mai-
nen sein lehr sey Christi lehr / sey dem Euangelio /
den Prophetischen vnnnd Apostolischen geschrif-
ten gemäß: Das ist ein rechtgeschaffens Schaf-
klaid / vnder disem mag wol ain Wolff bedeckt
werden / mit ainem solchẽschein mag einer leucht-
lich betrogen werden.

Vicent. Li-
riensis.

Vñ also hat dises Schafklaid / daruon Chris-
tus der Herr geredt / verstanden vnd aufgelegt /
wol vor tausent vnd dreyhundert jaren / der vor-
gemelt hochgelehrt vnd Christlich lehrer Vicen-
tius Lirinensis, Meldet auch vnder andern auf-
drucklich / das die falschen lehrer fast alle zeit
den brauch gehabt / das sie schier nichts geredt o-
der geschriben / das sie sich nit vnderstanden mit
der schrift zu beschönigẽ / vermanet aber darne-
ben / dz man sich desto mer vor jnen fürchten vñ
hütten solle / ye mer sie sich mit der schrift beschö-
nen / dann sie thünd eben als die jenen / so et-
wa ainem jungen kind ein bittere artzney wöllen
eingebẽ / so vberziehend sie solliche zuuor mit zu-
cker / hönig / oder sonst einem sieffen ding / dz al-
so das güt jung kind / wann es die sieffe erstlich
empfindt / so fürchtet es sich nit vor der bitterkeit
der Artzney: Sonder nißts nur mit grosser freud
vnd begird ein / Maint nit das ein solche bitter-
keit solle darhinder steckẽ / also auch die falschen
lehrer

des Bösen feinds.

lehrer wissen wol das ihr Lehrnew ist / das sie nit wol darmit wurden anfahren / das der Gestanck ihrer vergiftten Ketzerey niemand gefallen wirt. Darumb so machen sie gleichsamb ain gelbs brülein darüber / ziehen in dz Schafskleid an / dz ist / führen die Schrifft ein / darmit sie dem gütten einfeltigen Layen also ein Aug verklarben / das er den Braten nit schmecken solle.

Süchst du Exempel / so sihe züm ersten die hailige Schrifft selber an / vnnnd nachmals den gantzen lauff der Kirchen / von der Apostel zeyt bis auff dise gegenwärtige stund her / so wirstu je wol auff finden: Das / so oft man ettwas angefangen / das schon wider Gott / Ehr vnd Recht gewesen / so hat alle zeit die schrifft müssen herhalten / sie hat yeder zeit dz schafskleid sein müssen / Ja der Teuffel selber da er in dem heütigen Euangelio vnsern lieben Herrn vnnnd Seligmacher versüchet / vñ in wolt vberreden / das er sich solt von dem Pinackel des Tempels herab stürzen / braucht er nit die Schrifft / vnnnd spricht: Scriptum est enim quod Angelis suis mandauit de te, Dann es steht geschriben / er hat seinen Englen von dir beuolhen &c.

Er hat ihn aber nit allein dazumal in der Wüste selber angefochten mit der Schrifft / sonder auch hernach widerumb durch seine Knecht /
vnd

Die ander versüchung

vund sich vnderstanden die arge Bestia, auch mit der schrift zübeweisen / das Christus nit allain kein Prophet / sonder das er auch des tods schuldig wär.

Johan. 7.

Wir lesen in dem Euangelio / das die Juden / nachdem sie Christi predig gehört hetten / etlich von im gesagt / er sey ein Prophet / etliche aber / er sey Christus / Noch danoch so hat man etliche funden / die da gesagt haben / Nunquid à Galilæa uenit Christus? sagt nit die Schrift / das auß dem Samen David vnd der Statt Bethlehem / da David war / Christus komen solle? Vñ warent nit bemüht / das sie auß der schrift beweisen wolten / das er kein Prophet wäre / sonder schryent vber das immerzû / wie wir lesen / Nos legē habemus, & secundum legem debet mori, quia filium Dei se fecit. Das ist / wir haben ain Gesatz / vnd nach dem Gesatz soll er sterben / dann er hat sich selbs zû Gottes Sun gemacht.

Johan. 19.

Wer wolte sich vber ain solches wunderwerck nit mit dem höchsten verwundern vnnnd entsetzen / das die knecht des lebendigen Teuffels dörsent das Gesatz vnnnd die Propheten / anziehen / wider den Herrn vnnnd ersten anfangen des Gesatz vñ aller Propheten / vñ sich wider in vnderstehn darauß zübeweisen / das er nit allein kein Prophet / sonder auch des tods schuldig sey?

It

des Bösen feinds.

Ist aber nun Christo selber/da er auff Erden
 noch gewesen/solches widerfare/nit allain vom
 Teüfel/sonder auch von den menschen/was sol-
 le dann vns geschehen? Hat der laydig Sathan/
 den Herrn aller Schrift/mit 8 Schrifft dermas-
 sen dörfen angreifen/was solten sich dann seine
 Diener wider vns arme würmlein/die wir nichts
 gegen Christo sein/sich nit vnderstehn? Iha ge-
 wislich hat er es auch schon angefangen/vnd die
 Christen noch zu der Apostel zeyt dermassen an-
 gegriffen/wie sich der hailig Paulus solches sel-
 ber beklagt zün Corinthiern vnd Gallatern/das
 etliche vnder dem schein des Euangelij/schäd-
 liche/verderbliche Secten einfüren: Wie sich
 nun solches noch zu der Apostel zeyt angefan-
 gen/also ist es hernach yeder zeyt von allen Ke-
 zern vnnnd falschen Lehrern geschehen/vnnnd ge-
 schicht auch noch auff disen heütigen tag/wie die
 hailige Väter vnd Lehrer der Kirchen bezeugen/
 Was einer nur wunderbarlichs vnd selzams er-
 denckt/da gebraucht er bald die schrifft zu einem
 Schafftlaid/die muß ihm sein giftige Lehr bedec-
 cken vnnnd beschönern/es reymt sich gleich wie es
 wöll.

Der Ketzer Arius/wie wir von ihm lesen/
 der hette biß inn die vierzig Sprüch auß der
 hailigen Schrifft/darmit er sich vnderstünde
 L sein

2. Cor. iii
 Balla. 10.
 Ori. ho. 31
 in Lucam.
 & hom. 7.
 in Exodü.
 Tertul. de
 præscriptio-
 nibus aduer-
 sus hæretic-
 os.
 Cypria. de
 simplicitate
 Prælatorü.
 Ambrosi. in
 ca. 3. ad Ti.
 Hiero. con-
 tra Lucife-
 rianos.
 Hilarius in
 libro ad Co-
 rinthiam.
 Atha. Ora-
 done 2. con-
 tra Arias
 nos.
 Chryso-
 sto in sermon
 aduersus
 hæreticos.
 To. 3.
 Aug. lib. 1.
 contra Ma-
 ximum &
 innumeris
 alijs locis.
 Ergötzer
 Augus.

Die ander verſüchung

ſein Teuffeliſche lehr züberweyſen/ das Chriſtus
nit gleicher Subſtanz vñ Weſens mit dem Vate-
ter wäre/ er ſchry auch anderſt nichts/ ſeine Jun-
ger hetten nichts mehr im maul / als immerzu
nur Schrifft / Schrifft/ Euangelium/ Euan-
gelium: nun iſt aber nichts gewiſſers/ das/ wie
er die Schrifft gebraucht / es nit das Wort Got-
tes/ ſonder des Teuffels wort geweſen.

Nouatus.
Eeb. 6.

Der Ketzer Nouatus, der brauchet die ſchriſt
auch dort. Impoſſibile eſt eos, qui ſemel ſunt illumina-
ti &c. Das iſt / vn möglich iſts/ das die ſheni-
gen / ſo einmal erleucht ſeind / auch die himmel-
liſchen Gaben geſchmückt haben/ vñ des haili-
gen Geiſts thailhaſtig ſeind worden/ vñ dar-
nach widerumb gefallen / abermal möchten zur
Büß ernewert werden: Wan Er nur diſe wort/
der meynung hette fürgebracht/ vñ geſagt/ das
vermög diſer wort / der ander Tauff nit wurde
zūgelaffen/ wölches/ wie es Ambroſius vñ Au-
guſtinus gemerckt haben / das wörtlein Renoua-
tio, Erneuerung/ ſo im Tauff/ vñ nit inn der
Büß gegeben wirdt/ genügsam erweyſet/ ſo wär
es das wort Gottes geweſen/ Döſſte auch Eain
Chriſten menſch auff der weyten Welt darw-
der reden.

Ambr. lib.
2. de poenit.
ten cap. 2.
Auguſtin.
in Epi. ad
Rom.

Dieweil er aber diſe Wort dahin deutten vñ
verſtehn wolt / als ſolte durch die ſelbigen nit
der

des Bösen Feinde.

der ander Tauff / sonder die Bäß / denen so gefallen seind / abgeschlagen sein / da war es dein wort / du laydiger Sathan / der du durch den Kerzer Nouatum redest / es war nit Gottes wort. Dann der heilig Gaiß / auß wölches eingeben der Apostel dises vñ anders geschriben / der die höchste gürtigkeit ist / der in vns die hoffnung austrichtet / der hat nymmermehr dise wort also verstanden wöllen haben / das vns alle hoffnung der versünung abgeschnitten solte sein / wenn wir etwa nach dem Tauff widerumb inn sünd gefallen wären.

Also seind etlich zū diser vnser yetzigen zeyt / ^{Widerauff} wölche die jungen kindlein / so erst geboren / des fir-
 Sacraments des Tauffs berauben / vnd haben ein mercklichen grossen anhang vnd zulauff / auß allen Landen vñnd Fürstenthumben inn Teütschen Landen : Wie thänd sie ihm aber ? Wie greiffen sie es doch an / das sie die leüt dahin überreden : Ey wie wolten sie ihm anderst thün als jr Lehramister der Teüffel ? Da ziehend sie diser ihier Gottlosen lehr / das Schaffklaid an vñnd sprechen wie ihr Maister / Scriptum est enim : Es stehet geschriben. Wölcher Glaubet vnd Getaufft wirdt / der solle selig werden : Vñnd widerumb. Gehet hin inn die ganze Welt / lehrent alle Völcker / Tauffent sie.

Mar. viii.
 Math. viii.

Die ander versüchung

Wan man nur die Schrifft der meynung her-
für bringt/das ein yedtweder der nur zu seinen ja-
ren kommen/vnd seinen verstand brauchen kan/
wan er zum Taufft kompt/den Glaubē müsse mit
sich bringen/on wölchen nyemandt Gott gefals-
len kan/vñ wölcher den Glauben nit mit bring/
nit künde selig werden/So ist es das wort Gots
tes/wir nemmens auch mit höchster Reuerenz
vnd ehrentbietung an: Wann du aber durch vnd
mit disen wortē/die junge kindlein/vom Sacra-
ment des Tauffs woltest aufschliessen/darumb
das sie dē Glaubē als der auß dem gehöret kompt/
nit habē/da ist es dein wort/du laydiger Teüfel/
der du den menschen das hayl vnnnd seligkeit nit
gunnest/vnd verhinderst/wa du nun kanst vnd
magst / es ist nit Christi wort. Dann der alle
menschen will selig haben / der den todt für al-
le versücht hat / der sein Blüt ebenso wol für
die klaine/als für die gewachsne vergossen hat/
der hat sie nye von seinem Reich/in wölches ohn
den Tauff/oder fürhabē des Tauffs/kein mensch
kommen kan / aufgeschlossen/sonder vil mehr
seinen Vätterlichen vnnnd ganz genaigten willen
gegen ihnen/da er noch auff Erden gewandelt/
offentlich zünerstehn gegeben / da er gesprochen.
Lassent die kindlein zu mir kommen / vnnnd wi-
derumb / Wa ihr Lich nit bekeren/ vnnnd wer-
den

Heb. 11.

Rom. 10.

1. Tim. 2.
Heb. 2.

Johan. 7.

Matth. 19.
Matth. 19.

des Bösen feinds.

den wie die kindlein/ so werden ihr in das Reich
der Himmel nit eingehn.

Es seind auch/ zu diser vnser yezigen zeit/ etliche Opfer der
che/ die das aller heiligist Opfer der Mes/ von ^{Mess}
Christo dem waren vnnnd einigen Priester selber
eingesetzt/ verwerffen/ vnnnd als ainen grossen
grewel vnnnd Gottslösterung inn der welt auf-
ruffen dörfen/ so doch die Christenliche Kirch
in dem selbigen nichts anders handelt oder thut/ <sup>Ireneus ad-
uersus hae-
reses Valen-
tini lib: 4.
cap. 34.
Cypria.
Epist. 3. li. 2.
Chrysostr.
in ca. Heb.
10. Hom.
17. & de dig-
nitate sacero-
do. lib. 6.
cap. 4. &
lib. 3. cap. 4.
August. de
fide ad Pao-
trum Dias-
conum ca.
19.
Item ad Boni-
facium de
Baptismo.
Episto. 23.
& innumera
ris alijs
locis.</sup>
als das sie nach ihres Herrn befehl/ sein Leib vñ
Blut/ vnder gestalt des Brots vñ Weins/ vbern
Altar/ Gott dem himlischē Vatter darstellet/ zu
der gedächtnuß des krefftigē hailssamen Creutz-
opffers/ wölches der Son Gottes in seinē sterbli-
chen Leib vñ blut/ einmal zu versöhnung d'ganze
welt/ am stamē des heiligen Creutz verrichtet
hat/ In wölchē jrē täglichen Opfer/ die gmain d'
Glaubigē Gott dē himlischē Vatter zum höchstē
dancksaget/ vñ die erlösung Christi vnser her-
ten/ vermanet vñ bittet Gott/ dz er an vns wöl-
le lassen krefftig sein/ vñ vns zu vnserm heil gedey-
hen wölle lassen/ was Christus am Creutz für al-
le welt außgerichtet vnd erworben hat/ Er wölle
sich vber die sünd seiner Christenheit versönē las-
sen/ alles vbel von vns abwende/ vñ alles güt
verleyhen durch Christum vnsern herren/ der für
vnser hail sein Leib am Creutz inn tod geopffert/

L iij vnd

Die ander versuchung

vnd sein Blüt zu versöhnung vnserer sünden auß
gegossen hat.

Dis ist ye vñ ye das hochgeacht hailigist Opfe
fer der Christenheit gehalten worden / darauff die
Christenheit alle jr hoffnung vñ zúflucht gericht
vñ sich sonst nichts anders trösten kan / wider ire
sünd vñ gebrechligkeit / dan dz sie den Son Got
tes der vns zum heyl geschenckt ist / mit vollem
glaube ergreiffe / vñ in für Gott darstelle / vñ auf
sein verdienst bitte / vergebung irer sünd / vñ was
ir sonst zum hail zeitlich vnd ewig von nötte ist.
Dan wann wir mit ellend vmbbringet sein / woz sol
len oder kündē wir doch anders vñ erlösung ge
gen Gott fürwenden / dan eben dē Leib Christi /
der vmb vnserer heils willen in den Tod gegeben
worden ist: Wann wir mit sünden vberleitet vnd
eingenommen seind / was mügen wir kresstigers
vmb verzeihung der selbigen / für Gott bringen /
dan das heilsam theur Blüt vnserer lieben Her
ren vnd Säligmachers Jesu Christi / wölliches
von wegen verzeihung vnserer vñnd der ganzen
welt sünd / am Creüz vergossen worden ist: In
summa wa vnser kressten gebrechē / da sollen wir
hilff in Christo vnserm Heyland / vnd sonst niesz
gentwa anderst suchen.

Wie nun die allgemain Christenheit allē iren
trost vnd ganze hoffnung ihres heils in dis heilig /
rain

Esa. 55.
Rom. 4.

des Bösen feinde.

rayn vnnnd hailfam Opffer stellet/ darinn sie die
 Gnaden vnd verdienst Christi/ als iren von Got
 geschenckten schatz/ behalten findt/ Also ist zu
 vnsern letzten zeyten/ bey ertlichen Leüten / die
 man die Euangelischen Predicanten nennet/
 kein grösser Todtsünd auff Erden / kein vbler
 Gottslesterung vnnnd Grewel/ dann den haili-
 gen waren Leyb vnnnd Blüt Christi vberm All-
 tar/ ain Opffer nennen/ vnd darfür halten: Has-
 bendt auch schon inn vilen Landen vnnnd Für-
 stenthumben/ die sachen layder dahin gebracht/
 das/ nach der Prophecey Danielis / vnnnd auf-
 legung Christi des Herzen / das iuge Sacrificium, Daniel 9.
vnd 11.
 das ist / das stättig Opffer vndergangen vnnnd
 verdrückt worden: Wie thün sie ihm aber?
 wie greiffen sie es an/ das sie die Leüt also vber-
 reden: Ey da ziehendt sie diser iher Teuffeli-
 schen Gottlosen Lehr/ ain Schafklaid an /
 vñ sprechen/ wie der Böse feind/ in dem heütigē
 Euangelio: Scriptum est enim: Iesus Christus semel Heb. 9.
 oblatuſ est, ad multorum exhaurienda peccata, Das
 ist/ Es steht geschriben / Christus ist ain mal ge-
 opffert worden/ außzuschöpfen viler sünd/ vnd
 widerumb / mit ainem Opffer/ hat er inn ewigē Heb. 10.
 fait vollendet die gehailigte.

Wann nun dise Wort des Apostels verstan-
 den werden / das er maine der Leib Christi
 sey

Die ander versückung

sey nur ein mal sichtbarlich vnnnd entpfündelich
auff dem Altar des Creüzes auffgeopffert wor-
den / mit solchem Opffer / darmit er ainmal / in
ansehen des ganzen volcks / den Tod für vnns
erliten hat / das man auch hinsüro / ain solches
Opffer der gestalt nit zügewarten hab / wie es
dann auch nit von nöthen ist / Dann diß ainig
Opffer vberflüssig genügsam ist / das ganz
menschlich Geschlecht züerlösen / alle menschen
von den Sünden züreinigen / zü hailigen / alle
menschen zü recht fertigen : Wann man / sag ich /
den hailigen Paulum also verstehet / da ist es
gewißlich das wort Gottes / wir nemmens auch
mit höchster Reuerenz vnd ehrenbiettung an.

Rom. 8. Dañ das ist ye ainmal gewiß vnnnd vngezwey-
felt / das Christus von den todten erweckt vnnnd
aufferstanden / hinsüro nit stirbt / vnd der Tod
hinsüro vber ihn nit mehr Herrschen wirdt :
Gregorius Nazianzenus ad Episcopos. Wann du aber dise wort also woltest auflegen /
Cyrillus contra Nestorium. als solte das Incruentum Sacrificium, das vnblüt-
Concillium Ephesinum contra Nestorium habet. tig Opffer / wie es die Lehrer der Kirchen / vnnnd
auch das Ephesinisch Concilium nennet / darinn
die Gedächtnuß vnnnd darstellung des Opffers /
so der hohe Bischoff / vnser Herr Ihesus am
Creütz für vns verricht / gehalten vnnnd darge-
stellt wirdt / hinsüro in der Kirchen verhal-
ben nit mehr gehalten vnnnd dargestelt werden /
Lyda

des Bösen freunds.

Ey da ist es abermals dein wort / du laydiger
 Sathan / der du durch deine Diener vnd gewisse
 Vorleuffer / deines Apostels des Antichrists / die
 Leut geren überreden woltest / das sie durch ver-
 achtung dieses aller hailigsten Opffers der Mess-
 sich selber des Verdiensts des Leydens vnnnd
 Sterbens Christi beraubeten / Es ist nit Gottes
 wort: Dann der hailig Geist / der Paulo dise
 Wort eingegeben / hat nye gewölt / das man sie
 auff dise dein meynung verstehn solle / wie sol-
 ches neben vilen andern / deren Ich von kütz we-
 gen auff dormal geschweyg / der heilig Chryso-
 mus, ein recht artiger aufleger Pauli über gemel-
 te Epistel zün Hebreern / außtruckentlich bezeuget
 vnd schreibet.

Chry. in 10.
 ca. ad Heb.
 Rom. 17.

Also seind auch ettlich zü diser zeyt / die sich
 frauenlicher weys vnderstanden zü verdam-
 men / vnnnd als ein Abgöttisch / jha Haydnisch
 Spectakel / inn der gantzen Welt auß züschrey-
 en / das löblich herlich Festum corporis Christi,
 das ist / vnseres Herin Fronleychnams tag / an
 wölchem der Leyb vnnnd Blüt Christi / vnder
 der Gestalt des Brots / zü trost vnnnd sterckung
 der Rechtglaubigen / aber zü trutz allen Ke-
 zern / die die Warhait des Leybs vnnnd Blüts
 Christi im Sacrament verlaugnen döffen / of-
 fentlich mit höchster ehrentbiertung / vnd Gött-
 licher

vnseres hera-
 ren Fron-
 leychnams
 tag.

Die ander versuchung

Mar. 26.
Mar. 14.
Luc. 22.

licher anbettung / herfür getragen wirdt / dar-
mit vorder ganzen Welt vnsern Glauben zübe-
zeugen / das wir in disem hailigsten Sacrament
nit ein schlecht Brot / sonder den waren Leyb
vnnnd Blüt Christiglauben vnd bekennen / nach
dem wort des Herren / Hoc est Corpus meum,
& hic est Sanguis meus, Das ist mein Leyb / Das
ist mein Blüt : Vnnnd haben auch dise abge-
sagte Seynd der Kirchen Gottes vnd aller löb-
lichen Ceremonien, die sachen an vilen ortten
schier dahin gebracht / das Hohernanntes /
Göttlich vnnnd Christlich fest Corporis Christi,
als ein Grewel vnnnd Gottsefterung abgethon
worden.

Mar. 26.
Marc. 14.
Luc. 22.

Fragest du wie sie solches zu wegen gebracht
haben? Sie haben ihrer Teuffelischen meynung
ein Schacklaid angezogen / vnd wie ihr Vatter
der Böß feind in heüttigen Euangelio / zu vn-
serem lieben Herrn Christo / den Er versüchet /
gespröchen / Scriptum est enim, dann es stehet
geschriben / Also sprechen auch sie / ihr Gottesle-
sterung den Leuten desto eh einzureden / Scri-
ptum est enim, Es stehet geschriben. Nemet hin
vnnnd Eßet / Das ist mein Leyb / das thät zu
meiner Gedächtnuß / vnnnd Trincket alle dare-
auf / denn es ist mein Blüt des newen Testa-
ments &c.

Wapp

des Bösen freunds.

Wan du nun dise erzölte wort/der einsatzung
dises Sacraments dermassen verstehst/das diß
fürnemlich Christi des Testierers oder Zeu-
gers/befeldh/ will vnd meynung seye gewesen/
das durch dises Sacrament / sein gedächtnuß
vnder den Glaubigē erhaltē werden solle/wie er
dan selber spricht/Hoc facite in meam commemo- Col. 126
rationem, Das thüt zū meiner gedächtnuß/der-
halbendann die Kirchen Gottes darmit sie dise
gedächtnuß Christi/desto besser/in irer kunder/
aller rechtglaubigen/gemüter/einbilden vnd er-
halten künde/nebē der Communion vñ Niesung
dises aller hailigst Sacrament/auch vor den au-
gen der Glaubigen/recht vnd wol/mit höchster
ehrentbiertung / zaigt vnd vmbtreget: vnnnd dies
weil wir layder in der Liebe gar erkaltet/zū ent-
pfahung dises hailigē Sacraments so langsam/
vnd gleichsam vtrüzig worden/das schier alle
gedächtnuß Christi vnnnd seiner grossen güttha-
ten / so er vns vilfältig erzaigt / bey vns ganz
vnnnd gar verloschen / sie vns disen hail samen
schatz / auch heraußer auff die gassen nachtreget/
als wolte sie als ein sorgfältigetrewe Mütter/
vns iren geliebtesten kindlein/zūsprechen: Secht
doch ihr meine geliebte Kinder vnd Glaubigen/
wolt ihr dann gar in vergesß stellen/was für ein
hail samen schatz/euch Christus ewer Herz vnnnd
M ij Hayland

Die ander versüchung

Hayland gelassen hat: Warumb setzen ihr doch
Erwer vertrauen: Warumb suchen ihr Erwer
lust vnd wolffart/ nur inn zeytlichen zergenglich
chen gütern/ Dierweil doch inn den selbigen kein
beständig lust oder hail sein mag: Lieber gehet
doch einmal in eüch selber/ wendet hieher Erwe
augen / vnnnd sehen disen Himilischen schatz an:
Was hett Eüch doch der barmherzig / güttig
Gott bößers künden geben / dann seinen hertz
allerliebsten vnnnd ainigen Son: Was hat auch
Christus vnser lieber Herz vnnnd Hayland köstli
chers vnd hailsamers dann eben sich selber: Sie
he da findent ihr/ das Eüch zü beständigem hayl
vnd zü ewigem wollust dienen mag.

Wann du nun die wort Christi/ inn der einsa
zung des Abentmals/ also verstehest/ So ist es
das wort Gottes / wir nemens auch mit höch
ster Reuerentz vnnnd ehrentbiettung darfür an.
Wann du aber durch/ vnnnd mit disen wortten/
verachten/ vnd verdammen woltest den Christ
lichen/ Göttlichen vnd löblichen brauch der Kir
chen/ da sie pflegt/ dises hochwürdigist Sacra
ment/ den glaubigen für ihr thür vnnnd augen zü
tragen/ die gedächtnuß Christi inn ihren gemü
tern zü ernewern/ die andacht gegen disem haili
gen Sacrament inn ihrem hertzen zü erwecken/
vnd auch iren glaubē wider die Sacramentstür
mer

des Bösen feinds.

mer vnnnd sonst allerlay falsche Kezereyen zu
 beuestigen/Siche/so ist es abermals dein wort/
 du laydiger Sathan / der du durch deinen Ed-
 len werckzeitig Nicolaum Gallum, Predicanten zu Nicolaus
Gallus P
dicant zu
Regens
spurg
 Regenspurg/gerne woltest alle gedächtnuß Chri-
 sti des Herren auß den Herzen der menschen her-
 rauß reissen / Es ist nit Gottes wort: Dann
 der damit außdruckenlichen wortē befelchs weiß
 gesprochen. Hoc facite in mei commemorationem. Luc. 22.
1. Cor. 11.
 Der durch dises Sacrament sein gedächtnuß
 vnder den Glaubigen erhalten haben will/wie-
 wolt er es ihme nit angenemb lassen sein/dz sein
 getrewe spons die Kirch / mit diser so herzlich
 Procession/sein gedächtnuß / nur auff dz tieffest
 in die hertzen der glaubigen einbildet / vnnnd vn-
 der iuen so herzlich erhelt: Darneben auch wider
 den Berengarium, Petrum Adelhardum, Henricia-
 ner, Petrobusianer, Zwinglianer / Alte vñ Newe
 Sacramentier / vor aller welt offentlich iren
 glauben bekennet / Nämlich das vnder 8 gestalt
 des Brots der wahr Leib/vnd Blüt Christi sey/
 wölcher bekantnuß sich auch alle ihre Kinder/
 vnnnd rechtglaubigen / nit allein / kein schei-
 hes tragen sonder auch von disem Euangelio/
 das ist/von der verkündigung des Creüzes vnd
 todts Christi / sich berümen / frolocken/ vnnnd
 Triumphieren: Derhalben auch solliches zu vr-
 N ij fund

Die ander versuchung

Fund/ sie eben denselbigen bey/ so für vns an das
Creütz gehenckt/ so für vns in den tod ist geben
worden/ mit Procession/ kerzen/ fanen/ singen/
klingen/ Leuten/ Messen/ Octauen/ wie Gal-
lus darnon schreibt/ vñ in Summa ebe mit grösser
freud vñ jubiliere/ aber vnder gestalt des Brots/
auff der gassen vñ vber den marckt/ offentlich
herumbtragen / vñ die ehe/ so wir dem Leib
Christi zu beweisen schuldig/ demselbigen Leib/
so warhafftigs/ wäsenlich vñ leiblich/ vnder
der gestalt des Brots verborzen/ offentlich erzei-
gen/ hiemit bezeugē/ das sie Christo dem Herrn/
on allen zweiffel/ von ganzē hertzen glauben ge-
ben/ da er von ihm selber spricht / Das ist mein
Leib/ der für euch gegeben wirdt/ Das also dise
ganze Procession / so da auff vnsern Herren
Fronleichnams tag allenthalben in der Catho-
lischen Kirchen gehalten wirdt / in der warheit
anderst nichts ist / als ain gewaltige verkündi-
gung des Creütz vñ Tods Christi/ als ain Herrn-
lichs frölichs jubiliere vñ Triumph/ das der
Teuffel durch das Creütz zerknirschet/ das vnser
Todt durch den Todt Christi vberwunden/ das
vns das Erbtail des Himmelreichs erworben/
vñ zůwegen gebracht ist.

Was ist aber das anderst? Mein lieber Galle/
als das Euangelium selber? Als das wir vnns
mit

Procession
auff der Gassen
Corporis
Christi

des Bösen feinds.

nit schämen mit dem hailigen Paulo zusagen. Galat. 64
 Mihi autem absit gloriari nisi in cruce Domini nostri
 Iesu Christi. Das ist. Es sey aber fern von mir /
 das ich mich rühme / dann allain in dem Creütz
 vnsers Herren Ihesu Christi : Wir wissen an-
 derst nicht / Wir rühmen vns anderst nichts /
 Wir thün vnns kainer anderen Kunst auß / allein
 das wir erkennen vnnnd bekennen / Christum 1. Cor. 2
 Ihesum den gecreüzigten / der da ist den Ju-
 den ain ergernuß / vnnnd den Griechen ain thorn 1. Cor. 1.
 bait 2c. Wolte Gott / O Galle / das zu diser vns-
 ser arbeitseligen zeyt / nit auch sollicher Gesel-
 len verhanden wären / welchen das Creütz vnd
 Tod Christi (zu wölches gedächtnuß / wir die-
 ses fest halten / tragen seinen Leyb / so von vns-
 sert wegen an das Creütz gehenckt worden /
 herum / vnnnd beziügen hiemit vor der gan-
 zen Welt / das wir vnns vnsers Gecreüzigten
 Christi mit dem wenigsten nit schämen) wolte
 Gott / sag ich / Galle / das nit vnder euch New-
 evangelischen Predicanten solliche Gesellen inn
 grosser anzal zûfinden wärende / welchen sol-
 liche sache ain ergernuß ist / welche es für ain thorn
 bait halten / welche die Warhait selber / da
 sie von der warhait ihres Leybs spricht / Hoc
 est Corpus meum, Das ist mein Leyb / sich nit
 schämen der Lügen zûstraffen / Dieweil sie sein
 Warhaffte /

Die ander verſuchung

Warhaſſte / Weſentliche gegenwürt inn diſem
Ehrwürdigen Sacrament laugnen.

Aber vnangesehen ſolches alles / mein Galle
le / So ſarent wir nichts deſto weniger mit frey-
lichem Herzen vnnnd Gemüt fort / vnſern Glauben
offentlich vor aller Welt zu bekennen / Laſſe
ſent vnns hierinn dein Hanengeſchrey / noch
anderer plauderen nichts verhindern: Dann
wir wiſſens vnnnd ſeindts gewiſ / das ſolliches
vnſer thun / der Göttlichen hailigen Schrifft /
nit vngemäß noch zu wider. Wir wiſſent auch /
das der Böſe ſeind (dieweil ihm vnuerborgen /
das vnſer Heyl vnnnd Seligkeit am aller may-
ſten / an diſer ſtätten betrachtung des Creützes
vnnnd Todts Chriſti hanget) vnns ſolliche gern
aufreden / vnd auß vnſern Herzen hinwegreiß-
ſen wolte / ye mehr er ſich aber hierinn berührt /
ye fleißiger er ſich darumb annimbt / ye mehr
vnnnd fleißiger wir ihne auch widerſtand thun
ſollen.

Wann du vns nur fraget / Galle / lieber was
bedeutet es doch / das ihr auff diſen heütigen tag
ein hochzeitlichs herilichs Feſt halten? Das
ihr das Sacrament alſo auff der Gaſſen / vnnnd
vber den offentlichen Plan herum tragen?
Das ihr ſouil Kerzen vnnnd Liechter brennen?
Das ihr euch nit allein mit Geſang / ſonder auch
ſonſt

des Bösen freinds.

sonst mit allerlay Music / mit sonder grossen freunden hören laßt: So geben wir dir/ein kurze/einfältige/aber doch warhaffte / gegründte antwort.

Das ist vnser Euangelium / das wir vns nit allein mit schämen/oder einigs schewhen tragen/sonder berhümen es vns auch mit dem hailigen Paulo.

Christus vnser lieber Herr vnd Seligmacher/der hat an seinem letzten Abentmal / vns sein Leyb vnnnd Blüt zu niessen gegeben / Also / wir Essen vnnnd Trincken es mit dem Mund / oder schawens an / vnnnd begreiffens mit dem Glauben/das wir darbey gedächten vnnnd betrachteten / das sey eben der Leyb / der für vns inn den Tod gegeben / das sey eben das Blüt / so am Creütz für vns vergossen worden: Derhalben so zaygen wir yederman/wir ehren vnd betten an/eben den selben warhafften Leyb Christi/so für vns Gekreüziget worden ist/vnder der gestalt/inn wölcher Ihn / Er seinen Jungern selber geraicht hat: In dem selbigen/vnd von dem selbigen bekennen wir/das wir vns rhümen / halten auch einen Triumph von dem Tod der überwunden / vnd dem Teüffel / der durch den selbigen geschlagen / Sagen auch also Gott dem Himilischen Vatter/von grund vnserer Herzen/

N in

Die ander versüchung

in vnderthenigkeit danck/ das er vns durch das Creüz vnnnd Tod seines einigen Söns/ verzeyhung vnser Sünd/ annemimung zu kinder Gottes/ vnnnd das Erbtail des Himmelreichs/ gnedigklich mitgethailt hat.

Je mehr nur der Böse seind diser grossen mächtigen Gütthaten gedächtnuß/ durch Gallun/ vnnnd andere dergleichen in vnsern Herzen aufzädilgken sich bemühet/ je mehr vnnnd mit grösserer begürd/ wir solche mit anstellung etlicher besonderer Zeyt vnnnd Tag/ mit eüsserlichen Zaychen/ mit Bildnussen/ Klaydungen/ Gebärden/ vnnnd sonst allerlay Caremonien zu erhalten vns befeissen: Vermanent auch darneben/ vnser liebe Schwestern vnnnd Brüder/ die rechten/ alten/ Catholischen Christen/ das sie mit dem Werck vnnnd der That selber beweysen/ vnnnd vor yedermánigklich bezeugen/ das sie dieses Euangelij durchauß kein scheühens tragen/ das sie sich des Creüz vnnnd todts Christi/ wölches gedächtnuß inn diser Solennitet mit freüden vnnnd Triumph gehalten wirdt/ mit dem wenigsten nit schämen. Dañ wölcher sich dieses Euangelij/ wölcher des tods vnnnd Creüz Christi sich schämet/ der ist nit werdt das er ein Christ genennt werde/ Er darff auch nit hoffen die ihenigge belohnung zu empfangen/ wölliche Christus der

des Bösen freinds.

der Herr allein denen verhaissen hat / die all ihre
hoffnung vnd vertrauen / auff sein Creütz vnnnd
Tod gesetzt haben : Wölcher sich mein schämen
wirdt / spricht Christus / des wirdt sich des men- Luc. 9.
schen Son auch schämen / wann Er inn seiner
Herligkait kommen wirdt / Ein yeder aber der
mich bekennen wirt / vor den menschen / den will
Ich auch bekennen vor meinem Vatter / der im Math. 10.
Himmel ist. Derhalben so lassen vns yeder zeyt
Christum den Herrn bekennen / nit allein mit dem
glauben / sonder auch mit dem mund / nit allain
inwendig mit dem hertzen / sonder auch von auß-
sen / mit disen vnd der gleichen gebärden vnd Ce-
remonien / durch wölche der Glaub erleuchtet
wirt : Lassent vns auch nur dem Teuffel vnd sei-
ner gesellschaft zü trug die gütthat seines Creütz
vnnnd Todts mit höchster andacht / vnnnd wahrer
freünd immerzū halten / so werden wir seines ver-
dienstts vnd sterbens gewislich thailhasstig wer-
den / vnd diser vnser bestendigkeit / inn dem ewi-
gen leben / reichliche belohnung empfangen.

Es wurde gar zū lang werden / wann ich der
falschen lehren vnd Ketzerereyen mehr wolte erzö-
len / wölche vnder dem schein des wort Gottes
zū diser zeyt hin vnnnd wider gepflanzt werden.
Verstehet allain auf disen angezogenen Exem-
peln / Erwer lieb gar wol / das es nit von stundan

Die ander versüchung

das wort Gottes / wann man sprüch auß den
Biblischen schrifftten einfürt / Isha das wie der böse
feind in dem heutigē Euangelio / da er Christum
den Herrn wolte überreden / das er sich von dem
Tempel solte hinab stürzen / braucht er dises Ar-
gument / vnnnd sprach / Scriptum est enim, dann es
stehet geschriben: Also auch seine diener die Ke-
zer vnd versüßliche Predicanten / wann sie vns
wöllen überreden / das wir vns von der Statt
Gottes / so auffeim hohen Berg gelegen / das ist /
der Kirchen Gottes lehr vnnnd glauben / in disem
oder ihenem Articul sollen absündern / da schrey-
ent sie immerzü / mit heller lautter stim / Scriptum
est enim, Es stehet da / es stehet dort geschriben /
Derhalben man behütsam sein / vnnnd nit einem
yeden / der dises Schaffkaid antregt / leichtlich
vertrauen solle.

Nit das der von stundenan für ein Kezer vnd
falschen lehrer gehalten werden solle / der sein
lehr auß der schrifft beweiset. Nit dem wenigsten
nit / dann das wär gesündiget wider den hailigen
Gaißt / durch wölichen die Apostel vnnnd Prophe-
ten getriben / solches geschriben haben: Sonder
das die schrifft dermassen geschaffen ist / das man
sie kan darumb vnnnd dort herumb ziehen / also
das / wann ein Kezer auff seiner falschen lehr /
halbstarrigklich verharren will / er gar leichtlich
ain

des Bösen Feinds.

ain spruch inn der heiligen schrift findet / den er
beim halß auff sein verkehrte lehr ziehen kan: Der-
halben es nit genüg sey / das ainer sagt die schrift
sey mit im: sein glaub sey das wahr / recht Euan-
gelium. Er habe das pur lautter wort Gottes /
dann es kan sich gar leichtlich zütragen / das ai-
ner wol die wort auß dem Euangelio hat / aber
doch den verstand nit / vnnnd also vnder dem
Schafftkleid / das ist / vnder dem schein des
Euangelij / ain Wolff vnnnd jrthumb verborg-
gen lig.

Das Euangelium ist war / die Bibel ist recht /
das Alt vnnnd New Testament / nemmen wir mit
höchster Reuerentz vnnnd ehrentpietung in allen
stücken an / was begerst du mer? Vnnnd trutz sey
Gallo / Rauschern vnd allen ihren mituerwun-
ten gebotten / das sie vns ain ainigen Büchsta-
ben / ain ainigs iota / das wenigist püncktlein er-
zaigen finden / das wir verwerffen / das wir
laugnen / das wir nit für recht / für wahr /
für Göttlich annemē / ja jr selber durchainand /
was Secten jr auch anhangt / kündt es nit laug-
nen / dann das jr die ganze schrift / von vnsern
vñ auch ervern lieben voreltern saligen / wölchs
fromme Catholische Christen gewesen / vñ von
Erwerem new erdichtē glaubē / durch auß nichts
gewiß / empfangen / wie es Luther selber frey

Die ander versuchung

Luther im
brieff an
zwen Psar-
hern von d
Widertau-
fe.
Tom. 2.
Fol. 167.

tund vñ vnuerholen bekennet. Da er zu zweyen
Pfarhern also schreibt.

Wir bekennen aber/das vnder dem Babstumb
vil Christlichs guts/ ja alles Christlich gut sey/
vnd auch daselbs herkommen sey an vns/ Nemo-
lich wir bekennen / das ihm Papstumb die heilig
"schrifft sey/rechte Tauff/recht Sacrament des
"Altars/rechte schlüssel zu vergebung der sünd/
"rechte Predigambt/rechter Cathechismus/ als
"das Vatter vnser/Zehen gebott/die Articuli des
"Glaubens ic. Warum muß dann der strit sein?
"Was hadert vnd zanket man sich dann derma-
"ßen mit einander? Wann die Papistischen eben so
"wol das Euangelium/das alt vñd new Testa-
"ment haben/ als die jenigen die sich von den Pa-
pisten/das ist/ den wahren alten Christen abge-
sündert/jnen selber ainen neuen namen erdicht/
haben auch lieber wöllen Euangelisch dann mit
ihnen vñd vnsern lieben voreltern / so nur mit
Christo in der ewigen sälligkeit regieren/auch al-
len andern rechtglaubigen/wa sie nun hin vñd
wider auff der ganzen welt aufgebräutet seind/
Chatholische Christen genandt werden?

Ich will dir kürzlich sagen/war an der ganz
handel ligt: ain Schaffland/ ain herlich anse-
hen / ain betrügllicher schein ist es der neuen
Lehrer/das sie jnen selber/ den namen Euange-
lisch

des Bösen feinds.

lich angemast/ vnns aber ihn entzogen haben/
gleichsam als ob wir dz Euangelium nit so wol
hetten als sie. So doch nit des Euangelij vn̄ der
Schriffte halber/sond̄ allein de sensu & interpre-
tatione, das ist vom sin̄ vn̄ verstand/ von der auß-
legung/der strit vnd disputation zwischē vns ist.

Die schriffte/ das ist den geschribnen büchstaben
des alten vn̄ newen Testaments/ künden wol als
le Ketzer haben/ begerst du aber den rechten ver-
stand derselbigen zū bekomen/ so müst du in war-
lich nit bey ainem Ketzer/ noch auch bey einē an-
dern mensche allain sūchē/ er sey gleich wer er wöl-
le/ dann kainer ist so glehrt/ oder seiner sachen so
gruß/ der hierinn nit etwa künde betrogen wer-
den/ so solle auch kaines menschen auff der gan-
zen welt/ kunst oð hailigkait/ also groß bey vns
sein/ das wir ihme/ in so hochwichtigen sachen/
daran vns nit ain schlechts/ sonder vnser selig-
kait gelegen/ eben inn allen punctē durch auß on
vnderscheid glauben geben wolten/ dan̄ wie wir
geschriben lesen/ Omnis homo mendax, ain yeder psal. 113
mensch kan irren/ wie wir dan̄ auch solches an dē
hailigen Gottseligen vätter vnd lehret der Kiro-
chen selber gnügsam erfahren haben.

Wer war gelehrter vn̄ in der heiligē Götlichen
schriffte mer erfahren/ als eben Origenes? Origenes. Noch
dannocht lesen wir in seinen Büchern, dz er in vie-
len orten/ gröblich geirret. Wär

Die ander Versuchung

Wer hette ainen größern eyffer / den Christen-
lichen Glauben zuuerfechten / als eben der heilig
Cyprianus, von wölches wegen er auch hernach
sein Blüt vergossen: vñ dannocht ist er / als
ein mensch / in dem irthumb / de Rebaptizandis ha-
recis, so hernacher von einem Concilio verdamt
worden / gefallen.

Hierony-
mus. Der hailig Hieronymus ist auch nit allenthal-
ben glasschön / dergleichen Tertullianus, Augusti-
nus / vnd andere fast alle sampt.

So du dann nun ain sollichen Aufleger der
Schrift wilt haben / von dem du gewis vñ ver-
sichert seyest / das er dich nit betrüge / vñnd in ir-
thumb süre / so müst du dir warlich nur einen sü-
chen / der nit irren noch fehlen kan / sonst würdt es
warlich müß vnd arbeit werden: Wa aber auff-
klaßen ain solchen: Nun wolan ich will dirs
mit zweyen worten sagen / Du kanst ja die zwelff
Articul vñsers allerhailigsten Christlichen glau-
bens betten / vnder den selben ist nur auch diser
einer / Credo Ecclesiam Catholicam, Ich Glaub
ein allgemain Christenliche Kirch: Inn disem
wort Catholica, das ist / Allgemain / ist dir ain
solche Auflegung der Schrift angezaigt / die
da nit fahlen noch dich verführen kan / da hast du
ain rechtes / gewisses / vñuernamlichs vñnd
vñdisputierlichs zaichen / bey wölchem die Auf-
legung

des Bösen Feindes.

legung der Schrift / ob sie recht oder vnrecht /
mag erkannt werden.

Also das / wann ein auflegung der Schrift all-
gemein ist / kein zweyffel bey dir sein solle / dann
das sie recht: Wann sie aber nit allgemein / nit
von den Aposteln vnd ihren successoren vnd nach-
komling gepredigt / in der allgemainen Catholi-
schen Kirchen angenommen / gebraucht / vñ biß-
hieber durch vnser Vorfarn auff vns in alle dise
Land hergebracht / sonder erst newlich nur etwa
in disem oder anderm schließwinckel / von einem
einigen menschen erdicht / vnd vnder dem banch
herfür gezogen / vormals aber nye also gehalten /
gelehrt / geprediget worden / Eyda solle aber-
mals kein zweyffel bey dir sein / dann das ein sol-
che Auflegung der Schrift / wie sehr sie auch
auff den eüsserlichen Büchstaben der Schrift bo-
chet / falsch vnd vnrecht sey.

Dann Catholica, das ist / Allgemein / an wöl-
ches Wort die ware vnberüglliche Auflegung
der Schrift / gleichsam gebunden ist / das ist
eben so vil / wie es der hailig Augustinus auflegt /
als was da allenthalben vñnd alle zeyt ist / vñnd
gewert / in eines glaubens schein von Aufgang
der Sonnen / biß zum Nydergang aufgebraitet /
auch von der Apostel zeyt an / biß auff disen ge-
genwürtigen tag / on vnderlaß / vnd on alle zer-
rüttung /

Die ander versuchung

rüttung/ in der ganzen weyten Christenheit gebliben/ Summarie daruon zu reden/ wölches auch die Verba formalia gemeltes Augustini seind/ Quod semper & ubiq.

Augu. contra Gaude.
Dona. lib. 9.
Item Sermones.
mone 13. &
151 de tempe-
pore.

Vñ so dir villeicht der hailig Augustinus hierin nit gut genug ist/ das du im glauben gebest/ so hörd den Sun Gottes/ die ewige Weisheit des Vaters/ vnsern Herrn vñ Hailand Jesum Christum selber hiernon reden/ da er dort seine Junger mit gewalt/ die Schrifften zu erklären/ vnd den rechten/ allein seligmachende Glauben zu lehren abgefertiget/ hat er inen dazumal mit beuolhen/ das sie sollen in die ganze Welt gehn/ vñ das Euangelium predigen allen Creaturen: oder mainstu villeicht/ das sie disem beuelch ihres Herrn vñnd Meisters nit nachkommen/ auch dise Prophecey des Küniglichen Propheten nit erfüllet sey worden/ da er gesprochen/ Ihr stum ist inn alle Welt aufgangen/ vnd ihre Wort an die End des Erds kraiß: Aber da ist kein zweyffel mit dem wenigisten nit an/ daß das solches auff das trewlichste vnd fleissigste von inen verrichtet/ auch der wahr vnd recht Glaub/ der da ohn rechtmässige ansehung & Schrifft nit sein kan oder mag/ verkündiget vnd aufgebranttet worden sey/ auff der ganzen Welt / Wie Paulus solches zum Römern schreibt. Fides uestra annunciat in uniuerso mundo,

Mar. viii.

Psal. 19.

Vbiq.

Rom. 1.

des Bösen feinds.

do, das ist / Wer glaub wirdt auff der ganzen
 welt verkündiget. Bey allen Geschlechten der
 menschen / was stands / wesens / alters / ge-
 schlechts vnnnd volcks sie auch seyen / wie auch
 Paulus solches bezeüget / da er spricht / Es sey Rom. 10.
 kein vnderschied des Juden vnd Griechen / es gelt Coloss. 3.
 weder beschneydung oder fürhaut / es sey da kein Gal. 3.
 Hayd oder Scyta, kein knecht oder gefreyter / kein Johann. 2.
 mann oder weib / sonder Christus sey alles in al-
 lem / Er selbs sey aller Herz / reich gegen allen so
 ihn anruffen / dan ein yeder / so des Herrn namen
 wirt anruffen der wirt selig sein: Bey allen Völ-
 ckern / Nationen / vnd Königreich / wie der hais-
 lig Petrus dort spricht / Ich habe in der warhait Acto. 10.
 befunden / dz Gott kein annemer der person ist /
 sonder der ihn fürcht in einem yeden Volck / vnd
 würcket die Gerechtigkeit / der ist ihm angeneh: Apoca. 5.
 Vnnnd inn der Offenbarung Johannis: Du hast
 vns in deinem Blüt erlöset / auß allen Geschlech-
 ten / Zungen / Völkern vnd Landen: Vnd hast
 vns vnsern Gott ein reich gemacht.

Darmit aber nit etwa ein Sacramentierer /
 oder sonst ein Newglaubiger möchte gedenccken /
 dieweil nur ihre Ketzeren inn vilen mächtigen
 Königreichen / Landen vnd Fürstenthumb sich
 einreissen / das der halben jr auflegung der schrift
 Catholisch / vns aber eben diser versachen hal-

Die ander verführung

Semper.

ber/an beweyßung vnßers Catholiſche glaubens
ein groſſer abgang beſchehen wurde/ ſihe ſo ſol-
lent jr wiſſen/ das zu dem Catholico, Allgemeyn/
nit allein das Vbiq, ſonder auch das Semper, ge-
hört / das iſt / das die wahre/ Chriſtliche aufle-
gung der ſchriſt/ nit allein allenthalben/ ſonder
auch zu allen zeytten angenommen vnd gehalten
worden ſey: Dann die Kirchen Gottes/ in wöl-
cher allein (als die den hailigē Gaiſt empfangen/
das ſie nit etwaz in irthumb falle) die rechte auf-
legung der ſchriſt zu finden/ die iſt nit/ wie etwaz
einer gedencen möchte/ mit einer mauer/ wie an-
dere menſchen verſamlungen/ vmbfangen/ vnd
in ein kurze zeyt eingekloſſen / ſonder ſie iſt des
vſprungs vnnnd langwirigkait halber der welt
gleich / hat zu gleich mit der erſchaffnen welt an-
gefangen / wirdt auch beſtehn biß widerumb zu
end der ſelbigen.

Pſal. 47.

Matth. 23.

Luc. 21.

Dann der Gott hat ſie zu ewigen zeytten ge-
gründet / der dort geſprochen / Ich bin bey euch
biß zu vollendung der welt/ Vnnnd an einem an-
dern ort: Warlich ſag Ich euch / das geſchlecht
ſoll nit zergehn / biß es alles geſchicht/ Derhal-
ben dann kein Newglaubiger verhoffen darff/
das ſein glaub darumb werde mögen oder kün-
den Catholiſch genannt werden/ wann er ſchon
ſo weyt vnnnd brayt / durch alle Land vnnnd
Künig-

des Bösen feinds.

Künigreich aufgebraittet wurde / als Arri Ketzerey nimmer ist gewesen. Wann es schon möglich wär / das sie durch Gottes verheißnuß dz Vbiq̃ vberkämen: So ist ihnen doch zu ewigen zeiten vnmöglich / das sie das Semper, in iren lehren beweisen können.

Dieweil wir dann mit ainander strittig seyen nit von dem Euangelio / so Mathens / Marcus / Lucas / vñd Johannes geschriben / mit von andern Apostolischen Schrifften / so die Secten eben so wol als wir / von vnsern Eltern vñuerselscht empfangen / Nit von dem Alten vñ Newen Testament / das wir Catholischē in allen stücken durchauß annemen / halten / vñd bekennen: sonder allain von dem verstand vñd auflegung derselbigen: vñ aber wie der heilig lehrer Hylarius darnon schreibt. *De intelligentia heresis est, non de scriptura,* Das ist / die Ketzerey ist von dem verstand vñ nit von d Schrifft / Sihe / darmit ewer Lieb nit etwa durch den schönen schein so viler schrifften / darmit sich die falschen Propheten als mit ainem Schafklaid ye vñd allwegen zu beklaiden gepflegt / in Ketzereyen verführt werde / so hat sie jetzo von mir ein gewisses eigentlichs / vnzweifelhaftigs in Göttlicher hailiger Schrifft gegründets / vñ mit dem mund Christi vnserer liebe herren vñd Heylandts selber bestättigts zeichen gegeben
O iij lehrt

Hila. lib. 2.
de Trinitat.

Die ander versuchung

lehrt/darbey sie die lehren/ ob sie recht oder vnrecht / war/ oder falsch/ Christlich oder verfürisch seind / on allen irthumb gar leichtlich erkennen/vnd von ainander entschiden kan.

Nämlich wann die auflegung der schrifft / so auff die ban gebracht wirdt (dann wir von der auflegung vund nit von der schrifft/wie genugsam gehört mit ainander strittig) wan / sag ich/ dieselbig auflegung/ Catholisch vñ Allgemain ist/das sie nach dem befelch Christi inn der ganzen welt gepredigt / vnnnd auch nach zusagung Christi/da er gesprochen / Ich bin bey euch bis zu end der Welt/ also seyt Christi vnd der Apostel zeit/durch gegenwertigkeit des Herrn Christi / für vnnnd für zu yeder zeit erhalten worden / Ey da sollen wir des vergewist vnnnd versichert sein/dz solche lehrt/dieweil sie Catholisch/ auch recht/war vnnnd Euangelisch sey/Dan der nam Catholicum, Allgemain/bringet solches mit ihm: Es ist auch vnmüglich dz im anderst sein künde / vnnnd wann Nicolaus Gallus, noch ain mal also wütet vnnnd würget/wolten gern nit allein dz wörtlein Catholicum, Allgemain/sonder auch Vnum Apostolicum, Apostolisch/ in seinem Gotlosen büchlein von dem Christliche fest Corporis Christi, newlich aufgangen/verwerffen/ so doch eben dieselbige wort/als gewisse vnd disputierliche zeichen/

Math. vlt.

Nicolaus
Gallus Pres
dicant zu
Regens
spurg:

des Bösen freinds.

zeichen/darbey man die Kirchen Gottes on Irthumb erkennen künde/ in dem Nicaenischen Symbolo, da wir sprechē/ Vnam, Sanctam, Catholicam, & Apostolicam Ecclesiam, Ain ainige/hailige/Allgemeine/vnd Apostolische Kirchen/aufdrucklich begriffen: welches Symbolum, dieweil es von der Augspurgischen Confession yeder zeyt angenommen worden / kan Ich mich nit gnugsam verwundern/das er / ain so dapfferer verfechter derselbigen / das ainig/Allgemein / vnd Apostolisch also kactlich verwerffen darff: Aber hie von ain andermal: Dann ihme solle nit der hilff des Allmechtigen / auff seine fůrgeschlagne Argumenta, nit mit schänden vnd schmähen/wie der Keger gebrauch/sonder auß grund des Götlichen worts/vnd rechtmaßigem Catholischem verstand desselbigen/zñ gelegner zeyt dermassen geantwort werden/das yeder mānigklich/vnnd er selber / so er anderst nicht gar verstockt / sehen vnnd greiffen solle/das sein lehr nit Catholisch/sonder Diabolisch/vnnd ain verfürische Kerey sey.

Wann aber nur ainer ain auflegung 8 schrifft herfür bringt / die nit Catholisch vnnd Allgemein/das ist von den Aposteln vnnd iren Discipuln anseucklich nit also gelehrt / nit allenthalben angenommen/vnd also on auffhören biß auff diese

Die ander versüchung

dise zeit ainhelliglich gehalten worden / Da sol-
len wir abermals gewiß vnd versichert sein / das
es ain giftige Ketzerey vnnnd falsche Lehr sey / ob
gleichwol die verfechter derselbigen sie für das
wort Gottes / für das pur / rayn / lauter Euan-
gelium außsprüchen / ob sie gleich tausentmal schrei-
en vnd sprechen Scriptum est enim, Es steht da / es
steht dort geschriben: So geschicht doch solches
alles allain zu vnser versüchung / ob wir inn der
Kirchen Gottes / bey der erkandten Euangeli-
schen warhait bestendig wöllen bleiben oder nit /
Wie dann auch inñ heütigen Euangelio der Böß
feind Christum den Herrn selber mit der Schrifft
sich zu vberreden vnderstünd / das er sich vom
Pinnackel des Tempels hinnab liesse.

Vnnnd das ist nun die ander versüchung des
Bösen feinds gegen Christo / vnd wie er jme wi-
derstanden / Wie auch wir seinen dienern dē Ker-
zerischen Predicanten / wann sie vnus gleicher-
gestalt angreifen / nach dem exempel Christi wi-
derstehn / vnnnd sie vberwinden sollen / Nun
wöllen wir auch kürzlich reden von der dritten
versüchung.

Die dritte
versüchung
vnd kampff
des Bösen
feinds wid
Christum.

Zum dritten / so laßt sich der Böse feind noch
nit abweyssen / wiewol er schon genügsam vber-
wunden / vnnnd zu schanden gemacht war / son-
der wie das Euangelium meldet.

Nimbt

des Bösen freinds.

Kümpe ihn der Teuffel widerumb mit auff einen sehr
hohen Berg/ vnd zaiget ihm alle Reich der Weit/ vnd ih
Herligkeit/ vñ sprach zu jm/ Das alles will ich dir geben/
so du nyderfellest/ vnd mich anbettest.

Ey du schandlicher Onflat/ du verfluchte
vermaledeyte Creatur/ wer wolt so töricht sein/
vnd dich anbetten? Es müßte doch gar ein ver-
stockter/ ellender/ znichtiger Mensch sein/ der
das thün solte. Nun darffes der Böswicht/ die
arglistige Schlang/ Christo vnserm lieben Her-
ren vnd Seligmacher zümüthen. Iha es hat es
nit allein dazmal der Böse seynd an Christum
den Herren solches begert/ sonder es thünd seine
diener noch auff disen heüttigen tag anderst
nichts/ als das sie an vns begeren/ das wir sol-
len für sie nyder fallen/ vnd sie anbetten: Wie so
das? Das hab Ich dannoch noch nye von kei-
nem Predicanten gehört/ das Er begert hette/
das man ihn solt anbetten: Nun ist ihm also/ ihz
Geliebten inn Christo dem Herren/ vñnd nit an-
derst/ als das sie wöllen/ man soll sie anbetten:
Dieweil sie vns dürffen zümüthen/ Sie erden-
cken/ so ein seltsame wunderbarliche leh/ als sie
immer wöllen/ so solle yederman dieselbigen on
alle widerred/ mit höchster reuerenz vnd ehrer-
biettung/ ganz demüthiglich/ als das pur laute-
re wort Gottes/ als das hailig Euangelium
p selbs/

Die dritt versuchung

selbs / als ein lehr / die dē Prophetischen vñ Apo-
stolischen schrifftten gemäß sey / annemen / vñd
ohn einigs widersprechen darfür halten : haist
dann das nit begert / das man soll für sie nyder-
knyen vñd sie anbetten / so wais ich nit was Ab-
götterey getriben ist :

Hierony. su.
per Esa. 2. Der hailig Lehrer Hieronymus, da er schreibt /
über disen spruch Esaie / Repleta est terra idolis &c.

- .. Ir Land ist voller Abgöttischen Gözen / habend
- .. ihrer aigenen händ werck angebetet / wölches ire
- .. finger gemacht haben / da hat sich der Mensch
- .. vor gebucket / da hat sich der Mann demüthigt.

Das wort Abgöttische Gözen / legt der hailig
Lehrer auß / das es besondere / vñd der Warhait
widerstrittige lehren seind. Der vorgemelt Vini-
centius Lirinensis schreibt auch also darvon / vñd
sagt / das das alt Testament / frembde vñnd der
Kirchē widertrachtige lehr / pflege / Deos alienos,
das ist frembde Götter zänennen / darumb das
die Ketzer ihre meynungen / vñd güt duncken nit
anderst in ehren halten / dan wie die Hayden ihre
Götter pflegen. Das wir derhalben im Deutro-
nomio geschriben lesen. Si surrexerit in medio tui
.. Prophetæ &c. dz ist / wan ein Prophet vñder Elich
.. wirdt auffstehn / vñnd Er weissagt ein zeichen
.. oder wunder / vñnd es geschicht / darvon Er dir
.. gesagt hat / vñd spricht zñ dir / Eamus & sequamur
Deos

Wz frembde
Götter inn
der schrifft
hassen.

Deut. 17.

des Bösen feinds.

Deos alienos, Kommt her vñ laßt vns andern Göttern nachwandlen/die ihr nit kennet vñnd ihnen dienē/ so solt du nit gehorchen den Worten aines solchen Propheten/ dann der Herr Ewer Gott versücht euch/das er ersare ob ihr von gangem hertzen/ vñd von gangzer seel/in lieb habt / Das lesen wir inn Deute. geschriben.

Vincentius Lirinensis aber/da er disen spruch auflegt/ da sagt er / dasper Deos alienos, das ist/durch frembde Götter/ außlendige irthumß bedeuñtet werden/die new vñnd vñerhört sein / Gott der Allmechtig aber/der laßtß außgebräutet werden/darmit er vnser bestendigtait in der liebe/vñnd wie wir der hailßamen Catholischen lehr anhengig bleiben / probier vñd erkenne/wie dann auch Paulus daruon geschriben hat. Oportet hareses esse, ut qui probati sint, manifesti fiant, D³ ^{1. Cor. 11} ist/Es müssen Ketzereyen sein/ auff das die/so bewärt sein / offenbar vñder euch werden.

Es bedarff aber nit vil beweisungen vñnd langer außfürung / das die new Euangelischen Propheten/alle durch ainander wie sie haissen/ ihre fantastische Trawm vñd aigen gürduncken/ für das wort Gottes gehalten vñnd angebetten haben wöllen. Es ligt laider nur zu gar an dem tag/ Die erfahrung bezeügts/ ire bücher seind daruñ vorhanden/will aber von kütz wegen nur ein einigs exempel geben. P ij Philippus

Die dritte versuchung

Phil. in an-
notat. ad
Romanos
in 11. cap.

Philippus Melancthon, der fürnembst vnder den
Newenangelischen / als er sich erstlich von der
einigkeit der Catholischen Kirchen abgesündert
hette / hat er gelehrt / das in der Kirchen Gottes
nit mehr als zwey Sacrament seind / vnd yeder-
man hat solches von stundenan für das hailig
Euangelium / für das reyn / pur / lautter wort
Gottes angenommen / dar für nyder geknyet / vñ
solches angedeyet / Ja wöllichers nit thon het-
te / dem wurde übel gewarret worden sein. Bald
hernach da kam im ein anderer Geist ein / da lehrt
er / Es wären drey Sacrament in der Kirchen /
da hat man von stundenan leüt gefunden / die
gleicher gestalt auff ihre knye nyder gefallen / vnd
solche lehrt nicht anderst als das hailig Euange-
lium / angenommen haben. Es ist abermals nit
lang angestanden / da ist er widerumb anderst
gesinnet worden / vnd hat gelehrt / Es seind vier
Sacrament inn der Kirchen / da hat man es
gleicher gestalt / als wie das vorig / für das
wort Gottes vñnd Euangelium angenommen.
Haist vnd ist aber das nit Abgötterey treyben /
einen menschen inn so hohem wert vñnd ansehen
haben. Er sage / Er lehre was er jimmer wölle /
heüt weiß / morgen schwarz / solches von stun-
denan für das wort Gottes vñnd Euangelium
annemen vnd halten.

Phil in se-
cunda adis-
tione locorū
communiū

Phil. in po-
strema adis-
tione loco-
rum

Diervēil

des Bösen feinds.

Diueil auch dise new Euangelischen Propheten nit allein in disem / sonder sonst schier in allen haubtpunctē / vnser Christliche Glaubens ihnen selber entgegen vnnnd zūwider gelehrt haben / vnnnd noch täglich lehren. Darmit sie sollichen greuel / solliche grausame wunden verstreichen / das das gemain Volck / vnnnd sonderlich Fürsten vnnnd Herren solliches nit mercken / so gebrauchen sie sich eben des Kunst stuck / das sich der Böse feind inn dem heütigen streit gegen Christo gebraucht hatt. *Hæc omnia tibi dabo, si prostratus adoraueris me,* Das alles will Ich dir geben / wann du niderfelfst vnnnd mich anbettest / Eben also sprechen die verfürische Predicanten auch / *Sihe da seind sonil Schöner / Herlicher Gestifft / sonil gewaltiger Klöster vnnnd Kirchen / das alles sambt wöllen wir dir geben / wann du allein vns für Apostel / vnser lehr aber für das Euangelium vnd wort Gottes annemen / vñ halten wilt.* *Hic iubet Plato quiescere.*

Wie nun der böse feindt heüß sich vnderstanden Christum / also vnderstehn sich seine diener noch täglich vns zū vberreden / das wir sollen für sie niderknyen vnnnd sie anbetten / wie er aber von Christo dem Herrn ain abweisung empfangen / Also sollen wir auch seinen dienern den Predicanten ain abfertigung geben / So werden

Die dritt versuchung

Deut. 6.

sie auch gewislich nit vil mit ihren armen leuten
gewinnen: Troll dich von mir hinweg/ solt du zu
ihnen sprechen/ du falscher Prophet / du reissens
der Wolff/ dann es steht geschriben / Den Herrn
deinen Gott soltu anbetten &c. Warumb wolt
Ich dann treulos an demselbigen meinem lieben
Herrn vnnnd Schöpffer werden / das Ich dich
neben ihm zu ainem Abgott auffwerffen solte:
O da behüt mich mein Himlischer Vatter nach
seiner vnaussprechlichen gütte immer vnd ewig
lich vor / das ich das thün solte: Die Kirchen
sein geliebte Spons hat er mir beuolhē zu hōrē /
vnd darzu gesagt / Wer dieselbig nit hōr der soll
mit sein wie ain Hayd vnnnd Publican. Bey der
selbigen/ dieweil sie durch den heiligen Geist re-
giert wirdt / will ich bleiben: Dann vnmüglich
ist / das sie inn irthumb fallen kñd oder müge /
so doch sonst kein mensch auff der ganzen welt
funden wirdt/ der so from / gerecht / heilig / wār
gewesen/ das er sich etwa nit in dem / oder ainem
andern gestossen. Allein die Kirchen Christi die
kñn vñ mag nit irren: Sihe / wann wir also dem
Bösen feind ain widerstandt thün / vñ im gleich-
sain die Feygen zaigen / so werdē wir ime in dem
kampff / wā er sich noch so wild gegen vns stel-
let / vnnnd die zahn so grausam plecket / obsigen /
vnd als die streytbare thüne Kriegspleit / die sich
redlich

Marth. 15.

des Bösen feinds.

redlich in dem Kampff gehalten / an ihenem tag /
wann ain yeder wirdt empfangen / nach dem er ^{2. Cor. 5.}
gehandlet / inn seinem Leyb / es sey gut oder böß /
die belonung der ewigen Freud vnnnd Seligkeit
erlangen.

Hat also ewer lieb vñ andacht in diser meiner ^{Epilogus.}
ganze Predig / kürzlich in einer summa gehört /
das wie der Böse feind Christum vnsern lieben
Herin vnnnd Hayland inn dreyen stucken / in dem
heütigen Euangelio versüchet / Eben in den sele-
bigen stucken / habe er vnser erste Eltern / Adam
vnnnd Euam inn dem Paradeys auch versüchet
vnnnd überwunden / Noch dannocht so lasse sich
der arge feind vnser Hailß hiemit noch nit er-
settigen / Sonder da warre er / auch vns / ihren
Kindern vnd nachkommen / noch immer zu auff
den dienst / vnd stelle vns nach / Zum vordersten
aber versüche er vns durch seine diener die Ketz-
rischen Predicanten / ober vns auff dise weys /
wie er heüt Christum / vnd zu vor vnser erste Elo-
tern versüchet / von der Christlichen kirchen / vñ
dem waren / vralten / Catholischen / vnd allein
Seligmachenden Glauben / inn sein verdambte
Ketzereyen vnd lehren abfüren möchte. Wie aber
nun Christus vnser lieber Herz / da ihn der Böß
feind gleichwol inn einem schlechten ding / näm-
lich / dz er im auß Stain Brot machen / aber doch
zu geles

Die dritt verſuchung

zu gelegner zeyt/dieweil er nach ſo langem faſten
hungerig worden/ mit der Freſſerrey verſüchet /
ihme durch auß auch in dem wenigſten kein ſtat
geben. Alſo auch / wann vns ſeine diener/in ſachē
die gleich wol ſchlecht anzūſehē/aber doch vnſer
flaiſchlichen Natur annāmlich / vnderſtehn von
der Catholiſchen Kirchen abzūführen/ da ſollen
wir inen in dem wenigſten nit nachgeben. Vnnd
wie Chriſtus der Herr ſich den verſücher nit hat
laſſen vberreden / das er ſich vom Pinackel des
Tempels hinab ſtürzet/ wiewol er die Schrifft
angezogen vnnd geſprochen/Scriptum eſt enim:
Alſo ſollen auch wir vnns die verſüriſche Predi-
canten nit laſſen vberreden/das wir vns auß der
ſtatt Gottes auß einem hohen Berg gelegen /
herab laſſen/dz iſt/ von der Kirchen Gottes/im
wenigſten als im größten / abſündern / Vnans
geſehen daß ſie on vnderlaß ſchreyen/ Schrifft /
Schrifft/ Euangelium/ Euangelium: Dann die
Schrifft haben ſie wol / Aber die rechte aufle-
gung nit/welche allein in der ainhelligkeit aller
zeyt vñ ort/da Chriſti Nam vñ Glaub bekandt
geweſen/ vñ noch iſt/ vñ ſonſt nyrgent anderſt
wo zūfinden/vñ wie Chriſtus der Herr dē Böſen
feindt nit wolt anbetten / wiewol er ihm alle
Reich der Welt/die doch nit ſein waren/ geben
wolt/Alſo ſollen auch wir der verſüriſchen Pre-
dicanten

des Bösen freinds.

dicanten lehr/ so sie für das wort Gottes vnn
lautter Euangelium rühmen/ als lieb vns vnser
Seelen seligkeit ist/ nit anbettē/ sonder eh Leib/
hab/ Güt vnd Blüt/ vñ was wir nun liebs vnd
werdts auff diser Welt haben / darüber verlas
sen/ eh dann wir vns in solche grēwliche Abgöt
terey begeben: Wann wir nur also ihr Andäch
tigen / inn der Catholischen Kirchen beständig
bleiben / vnn nach dem Exempel Christi des
Herzen / des Teuffels botten / den Kegerischen
Predicanten/ wie gehört/ widerstehn/ So wer
den sie/ als wie heit ihr Vatter von Christo/ also
von vns/ yeder zeyt / mit schand vnd spott/ vn
uerichter sachen / widerumb abziehen / Wie
aber/ als wie auch inn dem heüttigen Euangelio
Christus/ die Engel in der ewigen freud
vnn Seligkeit/ zū Diener haben:

Darzu verhelff vns Gott

Vatter/ Gott Sun/

Gott hailiger

Gaist/

A M E N.

Q Ein

Spruch auß

Vin stuck auß dem
Büch / wölches der hailig Vincentius
Lirinensis pro uetustate Catholicae Fidei, vorzwölff
hundert Jaren zur zeyt des Kaisers Theodosij ge-
schriben / verteytscht / vnnnd zum Beschluß diser
Predig / dieweil er zu der gehandelten materi
ganz dienstlich / dem Christlichen Leo
ser zu einem noch bessern vnder-
richt / von wort zu wort
hinzu gesetzt.

Wer möchte villeicht einer fragen (spricht
er) weil der text der hailigen Schrift vol-
kommen sey / vnd ihme selbs zu allen din-
gen überflüssig genügsam / warumb es doch für
notwendig soll geacht werden / das die Authori-
tet des verstands der Allgemainen Kirchen dar-
zu kommen soll: Antwort / Nemlich / das die
h. Schrift von wegen ihrer hochait nicht alle
menschen auff ein weiß verstehn / sonder einer
legt der selbigen gehaimnussen auff dise / der an-
der auff ihene weiß auß / also das schier so vil wi-
derwärtige meynungen darauf geschöpfft wer-
den mögen / als vil köpff darüber kommen. Dañ
die

Vincentio Lirinensi.

die hailig Schrifft legt anderst auß Nouatianus,
 anderst der Sabellius, anderst Donatus, anderst
 Arrius, Eunomius vñnd Macedonius, anderst der
 Photius, Apollinaris, Priscillianus, anderst der Iou-
 nianus, Pelagius, Celestius, Zu letst auch Nestorius
 anderst. Vñnd eben von wegen ihrer so viler irri-
 gen abwege ist's von nöthen / das man der Pro-
 phetischen vñd Apostolischẽ außlegung ein gewis-
 se Richtschnur hab / die nach des Catholischen
 oder Allgemeynen warhafftige verstands Regel
 gerichtet werde. Derwege ist in der Catholischen
 Kirchen grosse achtung vñ auffmerckung zū ha-
 ben / dz wir das jhenig halten / was inierdar / vñ
 überall von allen ist geglaubt worden. Dann das
 selbig ist warhafftig vñd aigentlich Catholicum,
 Allgemain / wie die art vñnd eigenschafft des
 worts mit sich bringt / Nemlich / dz Allgemain/
 alles warhafftig vñd menigklich in sich begreiff.
 Solchs geschicht zwar mit diser gestalt / so wir
 dem nachfolgen (Vniuersitatem, Antiquitatem, &
 Consensionem) Was in der ganzen Christenheit
 von der Apostel zeit an / bis auff heütigen tag für
 vñd für ist geglaubt vñd einhellig gehalten wor-
 den. Alßdan volgen wir aber dem / so allenthal-
 ben gehalten wirdt / rechtgchaffen nach / so wir
 disen glauben allain für warhafftig halten / wöl-

Regel des
Glaubens.

Vniuersitas
Antiquitas.
Consensio.

Spruch auß

chen die Allgemain Christlich Kirch durch den
gangen vmbkrais der Welt bekennet. Dem aber/
so für vnnd für gewert hat/volgen wir alsdann
rechtg schaffen nach/so wir von des Göttlichen
worts auflegung/wölche die H. Vätter / vnser
lieben Vorfarn bestendigklich gehalten vnnd ge-
braucht habē/in keinerlay weis abweichen. Des-
gleichen volgen wir auch der waren einhelligkeit
recht schaffen nach/so wir vns dessen haltē/was
alle Christen/oder doch schier alle Christen/vnd
fürnemlich alle Püester vnnd Doctores der H.
schrifft / von vralten zeyten her definiert vnd be-
schlossen haben. Was soll aber ein Catholischer
Christ thūn/wannes es sich zütreget/das sich etwa
ein stücklin oder ein heüßlin Volcks von der ge-
meinschafft des Catholischen oder Allgemainen
Glaubens selbs abschneidet? Das soll er thūn/
Er soll des ganzen Cörperls gesundthait voran
setzen vnd höher schätzen/vnnd soll das vergifft
vnd verderbt glyd verlassen. Wie wann sich aber
zütrüg / das sich ein anfallende sucht/nit allein
ein stücket der Kirchen/sonder die ganz Kirch zü
vergifften vnderstünde / was soll hie ein Christ
fürhaben? Inn solchem fahl soll er sich beflissen
bey der antiquitet/oder bey dem alt herkommen-
den Glaubē verhärtlich zübleiben/weil der selbig
mit

1. frag.

Antwort.

2. frag.

Antwort.

Vincentio Lirinensi.

mit kainerlay list, oder betrug der newhait ver-
fürt werden mag. Wie wann sich aber weyter
begab / vnnnd befunden wurd / das vorzeiten
(in antiquitate) zwey oder drey personē / oder auch
ein ganzes Land geirret hett / vnd in demselbi-
gen jertzung verhärtlich gebliben wär? Da soll
er sich in allweg des verhalten / was von alter
her in der ganzen Chrustenhait / vñ etwan durch
ain Allgemain Concilium für Chustlich vnnnd
recht erkennt worden ist / vnd soll das ihenig / so
etlich wenig menschen auß vermessenhait oder
vnuerstand auffgebracht haben / faren lassen.

Antwort.

Waisich aber ferner zütrüg / dz etwas news
auff die Ban kām / nemlich von wölchem die
Concilia nichts determiniret vñ beschloffen het-
ten / was wär ihm in disem sahl züthün? Er soll
fleyß anwendē / das er erkündig vñ gegen ainan-
der halt die lehr vnnnd mainung vnser vorsarn /
vnnnd in sonderheit deren bewärten Lehrer / die
an vnderschiedlichen orten der Chrustenhait /
vnnnd nicht zü ainer zeyt gelebt haben / vnnnd
doch in der Gemainschafft vnnnd warem Glau-
ben der Allgemainen Chustlichen Kirchen ver-
härtlich gebliben / auch für Warhafftig Lehrer
seind gehalten / vnnnd nicht / was vnder di-
sen ainer oder zwey allain / sonder all zügleich

4. frag.

Antwort.

O iij in ainem

Spruch auß Vincentio Lirinensi.
inn einem einhelligen consens / oder verstandt /
offentlich / vilmal / vnnnd bestendiglich gehalten
ten / geschriben vnnnd gelehrt haben. Vnnnd
diß mag einer on allen zweyffel / recht
züglauben annehmen vnnnd
halten.


1. TIM. 3.

Propterea & ego amplius non sustinens,
nisi ad cognoscendum fidem uestram,
ne forte tentauerit vos Is, qui ten-
tat, & inanis fiat la-
bor noster.



Getruckt zu Ingolstat bey Ale-
xander vnd Samuel Weysenborn.

M. D. LXV.





51.8

